

光緒順天府志

人物志四

光緒順天府志九十四

先賢四

南海廖廷相纂江陰穆荃孫履辨

後梁

盧曾

後唐

馬郁

李嚴

范廷策

趙鳳

王思同

許唐

後晉

李承約

張希崇

呂琦趙玉

後漢

劉審交

龍敏

後周

扈載

南唐

高

越

姪達

盧文進

潘佑

前蜀

王宗瑤

後蜀

孫欽

宋

趙普

趙上交

趙匡贊

宋琪

宋雄

董遵誨

張暉

邊歸謙

馬全義

子知節

寶

儀

弟嚴

張藏英

孫鑑

李瓊

劇可久

李懷忠

田重建

呂餘慶

弟端

劉載

扈蒙

張佖

高彥暉

張玉

李洵頤

張世傑

後梁

盧會字孝伯其先范陽人也頗好書有所執守始爲齊州刺史

舊傳

原作防禦使案新書梁紀及通鑑皆稱朱瓊爲齊州刺史今據改

朱瓊從事

舊五代史列傳

乾甯二年瓊

降太祖紀

與皆來太祖辟爲宣義幕職會性忠狷好慙直不能取

容於衆每勳府譙語稍洽會率然糾正軌又忤旨左長直軍使劉

捍委任方重會不能平

舊史列傳

光化二年陝州都將朱簡殺留後李

璠舊史太祖紀

來降以簡爲保義軍節度使

新五代史梁紀一

更名友諒

通鑑二百

六十一太祖卽位友諒始封冀王其初來降時未也今從新紀改書

命會

往議事有使院小將從行嗜酒荒逸過度會復命欲發其罪致疏

袖中累日未果言小將恐事洩先誣告會使酒幾敗軍事劉捍證

之由是罷職歸於齊之別墅俄而王師範起兵舊傳原作起兵叛

夙翔韓全誨以詔書徵藩兵入援乘輿既範以忠義自許此舉自出有名且素非梁臣亦不得言叛也今刪去太祖促召

會謂之曰予能緩頰說青州使無背盟吾不負子矣會持檄以往

既至師範囚之送於淮南遇害後太祖暴師範之罪曰喪我骨肉

殺我賓僚遂族誅之因召會二子皆授以官

舊史列傳

後唐

馬郁其先范陽人郁少警悟有俊才智數言辯縱橫下筆成文乾

甯末爲府刀筆小吏李匡威爲王鎔所殺鎔書報匡儔匡儔遣使

問鎔謀亂本末幕客爲書多不如旨郁時直記室卽起草爲之使

列事狀云可疑者十詞理俊贍以此知名舊史列傳後爲燕帥劉仁恭

幕客鎮州記室韓定辭聘燕仁恭舍於賓館命郁延接有詩酬贈

他日郁持燕帥之命答聘常山亦命定辭接於宮館由是兩相悅

全唐詩話

鎮州官妓有轉轉者美麗善歌舞因宴席郁累挑之幕客

張澤亦以文章名謂郁曰子能座中成賦可以此妓奉酬郁抽筆

操紙卽時成賦擁妓而去

侍兒小名錄劉崇遠耳目記云趙王鎔命馬或使燕劉守光命定辭館之時燕

之酉及者一代名姝韓所眷也每當酒席馬頰目之韓曰昔文公分叔隗於趙衰伯符輟小喬於公瑾蓋惟名色可奉名人所感猶婦不勝賢者願囑願垂一詠故得奉之或卽題命文不停輟作轉轉賦遂載以歸此又以馬爲趙使燕柔馬贈韓詩有雌鷗山上望之語據東坡記山在趙州耳目記誤今不取

太平廣記亦作韓定辭請馬郁爲賦

郁在武皇幕累官至檢

校司空秘書監武皇與莊宗禮賜優異監軍張承業權舊任事人

士低首候之郁以滑稽狎侮其往如歸有時直造臥內每賓僚宴

集承業出珍果陳列於前食之必盡承業私戒主膳者曰他日馬

監至唯以乾藕子置前而已郁至窺其不可啖異日韉中出一鐵

槌碎而食之承業大笑曰爲公設異饌勿敗余食案其後率如此

郁在莊宗幕寄寓他土年老思鄉每對莊宗歎歎言家在范陽乞

骸歸國以葬舊山莊宗謂之曰自卿去國以來同舍孰在守光尙

不能容父能容卿乎孤不惜卿行但卿不得死爾郁既無歸路哀

懷嗚悵卒於太原舊史列傳 攷證云案尹洙河南集韓重華墓誌銘作燕客馬或韓琦安陽集修五代祖塋城

記亦作慕吏馬或攷宋人說部載韓定辭唱和詩俱作馬或與是皆異惟雲谷雜記從通鑑作郁與是書同

李嚴幽州人也初名讓坤事劉守光爲刺史從事莊宗爲客省使

嚴爲人明敏多藝能習騎射頗知書而辨同光二年原作三年攷新舊紀伐蜀

皆在三年蜀世家言乾德六年嚴聘蜀歸獻策伐蜀明年魏王繼

崱郭崇韜伐蜀乾德六年卽後唐同光二年也通鑑列之二年今

據改使於蜀爲王衍陳唐興復功德之盛音辭清亮蜀人聽之皆竦

動新五代史列傳王宗儔以其語侵蜀請斬之蜀主不從通鑑二百七十三衍樞

密使宋光嗣召嚴置酒從容問中國事嚴對曰前年天子建大號

於鄴宮自邳趨汴定天下不旬日而梁之降兵猶三十萬東西南  
北四方萬里莫不臣妾而淮南楊氏承累世之強鳳翔李公恃先  
朝之舊皆遣子入侍稽首稱藩至於荆湖吳越修貢效珍願自比  
於列郡者至無虛月天子方懷之以德震之以威天下之勢不得  
不一也光嗣曰荆湖吳越非吾所知若鳳翔則蜀之姻親也其人  
反覆可信乎又聞契丹日益強盛大國可無慮乎嚴曰契丹之強  
孰與僞梁唐滅梁如拉朽况其不及乎唐兵布天下發一鎮可滅  
虜然而天生四夷不在九州之內自前古王者皆存而不論蓋不  
欲窮兵黷武也蜀人問嚴應對愈益奇之新史列傳嚴見其人物富盛  
而行驕淫新史前蜀世家還具言可取之狀新史列傳初帝令往市蜀中珍玩  
而蜀法嚴峻不許貨東出其許市者謂之入草物嚴不獲珍貨歸  
而奏之帝怒曰王衍甯免爲入草人邪舊史莊家紀三年下制伐蜀使



魏王繼岌爲都統樞密使

舊史王建傳

以嚴爲三川招撫使使與康延

孝以兵五千先行所遇州縣皆迎降

新史列傳

延孝與嚴乘馬浮江軍

士隨之濟者千餘人遂入鹿頭關下漢州

新史康延孝傳

王衍告曰得李

嚴來卽降衆皆以伐蜀之謀自嚴始而衍怨嚴深不宜往嚴聞之

喜卽馳騎入益州衍見嚴以母妻爲託卽日以蜀降嚴還明宗以

爲泗州防禦使客省使如故其後孟知祥崛起於蜀安重誨稍裁

抑之思有以制知祥者嚴乃求爲西川兵馬都監將行其母曰汝

前敢破蜀之謀今行其以死報蜀人矣嚴不聽初嚴與知祥同事

莊宗時知祥爲中門使嚴嘗有過莊宗怒甚命斬之知祥戒行刑

者少緩入白莊宗莊宗怒稍解命知祥監笞嚴二十而釋之知祥

雖與嚴有舊恩而惡其來蜀人聞嚴來亦皆惡之

新史列傳

掌書記母

昭裔及諸將皆請止嚴毋納知祥曰吾將有以待其來嚴至境上

使人持書候知祥知祥盛兵見之冀嚴懼而不來嚴聞之自若天

成二年正月

舊傳言長興初謀放新書紀鑑錄通鑑皆言二年

嚴至成都

新史後蜀世家知祥置

酒從容問嚴曰朝廷以公來邪公意自欲來邪嚴曰君命也知祥

發怒曰天下藩鎮皆無監軍安得爾獨來此此乃孺子癡惑朝廷

爾

新史

目客將王彥銖執嚴下斬之

新史後蜀世家

明宗不能詰

新史列傳贈

太保

舊史列傳

舊史明宗紀長興元年贈太保

范延策

舊史明宗紀策作榮

幽州人也性剛直累爲賓職及佐高行珪觀其

貪猥因強諫之行珪不從後延策因入奏獻封章於闕下事有三

條一請不禁過淮猪羊而禁絲綿疋帛以實中國一請於山林要

害置軍鎮以絕寇盜一述藩侯之弊請敕從事明諫諍之不從令

諸軍校列班廷諍行珪聞之深銜之

舊五代史高行珪傳

已而戍兵有謀叛

者行珪先覺戍兵無所得潰去行珪追而殺之因誣奏延策同反

并其子皆見殺

新史高行周傳 舊史明宗紀 天成三年前安州節度副使范延榮并男皆斬於軍巡獄爲高行珪

誤奏故也

聞者寃之未幾行珪卒詔贈太尉

舊史高行珪傳

趙鳳幽州人也少以儒學知名燕王劉守光時悉黥燕人爲兵鳳

懼因髡爲僧依燕王弟守奇自匿守奇奔梁梁以守奇爲博州刺

史鳳爲其判官守奇卒鳳去爲鄆州節度判官

新史龍德三年唐列傳

取鄆州

新史梁紀三

莊宗聞鳳名得之喜以爲扈鑿學士

五代會要作護鑿書劍學

士莊宗卽位拜鳳中書舍人翰林學士

舊史拜中書舍人及入莊宗改授禮部員外郎

宗及劉皇后幸河南尹張全義第酒酣命皇后拜全義爲父明日

遣宦者命學士作牋上全義以父事之鳳上書極言其不可全義

養子郝繼孫犯法死宦人伶官冀其貲財固請籍沒鳳又上書言

繼孫爲全義養子不宜有別籍之財而於法不至籍沒刑人利財

不可示天下是時皇后及羣小用事鳳言皆不見納

新史天成初列傳

置端明殿學士鳳與馮道俱任其職

舊史列傳

鳳好直言而性剛強素

與任圜善自圜爲相頗薦進之明年鳳遷禮部侍郎圜爲安重誨

所殺而誣以謀反是時重誨方用事雖明宗不能詰也鳳獨號哭

新史列傳

謂重誨曰任圜義士安肯爲逆公濫刑如此何以贊國

通鑑二百

七十

重誨慚不能對

新史列傳

初晉陽相者周元豹嘗言帝貴不可言

帝卽位召欲詣闕

通鑑二百七十六

鳳諫曰好惡上所慎也今陛下神其

術而召之則傾國之人皆將奔走吉凶之說轉相惑亂爲患不細

明宗遂不復召朱守殷反明宗幸汴州守殷已誅又詔幸鄴是時

從駕諸軍方至河南徙家至汴不欲北行軍中爲之洶洶而定州

王郜復以爲天子幸汴州誅守殷而又幸鄴以圖己疑不自安幸

相率百官詣闕請罷幸鄴明宗不聽人情大恐羣臣不敢復言鳳

手疏責安重誨言甚切直重誨以白遂罷幸

新史列傳

上問鳳帝王賜

人鐵券何也對曰與之立誓令其子孫長享爵祿耳上曰先朝受此賜者止三人崇韜繼麟尋皆族滅朕得脫如毫釐耳因歎息久之鳳曰帝王心存大信固不必刻之金石也

通鑑二百七十六

有僧游西

域得佛牙以獻明宗以示大臣鳳言世傳佛牙水火不能傷請驗其真僞因以斧斫之應手而碎時宮中施物已及數千因鳳碎之

乃止天成四年拜門下侍郎同中書門下平章事

李之儀姑溪居士集鳳爲莊宗

賁錫將何延論劉昫疏不

叢駒旣相引鳳共政事秘書少監于嶠者自莊宗時與鳳俱爲

翰林學士而嶠亦訐直敢言與鳳素善及鳳已貴而嶠久不遷自以材名在鳳上而不用因與蕭希甫數非斥時政尤詆訾鳳鳳心銜之未發嶠與鄰家爭水竇爲安重誨所怒鳳卽左遷秘書少監嶠因被酒往見鳳鳳知其必不遷乃辭以沐髮嶠詬直吏又溺於從者直廬而去省吏白鳳嶠溺於客次且詬鳳鳳以聞明宗下詔

奪嶠官長流武州天下寃之

新史列傳

長興元年安重誨使河中衙內

指揮使楊彥溫逐其節度使從珂

新史唐紀六

明宗疑其事重誨固請

用兵明宗不得已乃遣侍衛指揮使藥彥稠討之彥稠希重誨旨

斬彥溫以滅口重誨諷宰相言從珂失守宜得罪明宗怒曰吾見

爲姦人所中事未辯明公等出此言是不欲容吾見人間耶趙鳳

因言春秋責帥之義所以勵爲臣者明宗曰皆非公等意也

新史安重

誨後重誨爲邊彥溫等告變明宗詔彥溫廷詰具狀其詐卽斬之

新史列傳

重誨因求解職明宗慰之重誨論請不已明宗怒趣馮道等

議代鳳以爲大臣不可輕動遂以范延光爲樞密使而重誨居職

如故

新史安重誨傳

後數日鳳奏事中興殿曰臣聞姦人有誣重誨者明

宗曰此閑事朕已處置之卿可無問也鳳曰臣所聞繫國家利害

陛下不可以爲閑因指殿屋曰此殿所以尊嚴宏壯者棟梁柱石

之所扶持也若折其一棟則一柱傾危矣大臣國之棟梁柱石也且重誨起微賤歷艱危致陛下爲中興主安得使姦人動搖明宗改容謝之其後重誨得罪羣臣無敢言者獨鳳數言重誨盡忠明宗以鳳爲朋黨罷爲安國軍節度使鳳在鎮所得俸祿悉以分將校賓客廢帝入立名爲太子太保病足居於家疾篤自筮投箸而歎曰吾家世無五十者又皆窮賤吾今壽過其數而富貴復何求哉清泰二年卒於家

新史列傳

鳳性豁達輕財重義凡士友以窮阨告

者必傾其資餉之人士以此多之也

舊史列傳

王思同幽州人也父敬柔歷瀛平儒植營五州刺史思同母卽劉仁恭女也

舊史列傳

思同事仁恭爲銀胡鞞指揮使仁恭爲其子守光

所囚思同奔晉以爲飛騰指揮使梁晉相拒於華思同築壘楊劉以功遷神武十軍都指揮使累遷鄭州防禦使思同爲人敢勇善

騎射好學頗喜爲詩輕財重義多禮文士

新史列傳

與人唱和自稱勳

門戰客

舊史列傳

然未嘗有戰功明宗時以久次爲匡國軍節度使徙

鎮雄武是時吐蕃數爲寇而秦州

原作秦州誤今據新史改

無亭障思同列四

十餘柵以禦之居五年

新史列傳

邊民懷惠華戎甯息長興元年入朝

舊史列傳

明宗問以邊事思同指畫山川陳其利害思同去明宗願左

右曰人言思同不管事能若是邪於是始知其材以爲右武上將

軍京兆尹西京留守石敬瑭討董璋思同爲先鋒指揮使兵入劍

門而後軍不繼思同與璋戰不勝而卻敬瑭兵罷思同徙鎮山南

道已而復爲京兆尹西京留守應順元年潞王從珂反鳳翔馳檄

四鄰言姦臣幸先帝疾病賊殺秦王而立幼嗣侵弱宗室搖動藩

方陳已所以興兵討亂之狀

新史列傳

以思同當東出之道尤欲與之

相結遣推官郝詡押牙朱廷乂等相繼詣長安說以利害餌以美



女不從則令就圖之恩同謂將吏曰吾受明宗大恩今與鳳翔同

反借使事成而榮猶爲一時叛臣况事敗而辱流千古之醜述乎

遂執詔等以狀聞

通鑑二百七十九

愍帝嘉其忠卽以思同爲西面行營

馬步軍都部署

新史列傳

加同平章事

舊史開帝紀

會諸鎮兵圍鳳翔破東

西關城從珂兵弱而守甚堅外兵傷死者衆從珂登城呼外兵而

泣

新史列傳

告以已非反者其語甚哀外兵聞者皆悲之

新史楊思同

雖有忠義之志而御軍無法

通鑑二百七十九

興元張虔釗攻城西督戰

甚急士卒苦之反兵攻虔釗走羽林指揮使楊思權呼曰潞王吾

主也乃引軍自西門入降從珂而思同未知猶督戰嚴衛指揮使

尹暉麾其眾曰城西軍入城受賞矣何用戰士卒解甲棄仗聲聞

數里遂皆入城降諸鎮之兵皆潰思同挺身走長安西京副留守

劉遂雍閉門不納乃走潼關從珂引兵東至昭應前鋒執思同從

珂責曰罪可逃乎思同日非不知從王而得生恐死終不能見先

帝於地下從珂媿其言乃殺之

舊史言路王欲用之而思權之徒恥見其面又路王入長安時尹暉

盡得思同家財及諸妓女故尤惡思同屢啟於劉延明言思同不可留慮失士心屬王醉不待報殺思同并其子德勝路王醒召思同左右報已誅之矣路王怒延明累日嗟惜之通鑑說同漢高祖卽位贈侍中

新史列傳

許唐薊州人父信唐世以財雄邊郡後唐之季唐知契丹將擾邊白其父曰今國政廢弛狄人必乘釁而動則朔易之地民罹其災苟不卽去且爲所虜矣信以資產富殖不樂他徙唐遂潛齎百金而南未幾晉祖革命果以燕薊賂契丹唐歸路遂絕嘗擁商賁於汴洛間見進士綴行而出竊歎曰生子當令如此因不復行商

宋史

許襲傳

後晉

季承約字德儉薊州人也性剛健篤實少習武事

舊史列傳

事劉仁恭

爲山後八軍巡檢使將騎兵二千人仁恭爲其子守光所囚承約

以其騎兵奔晉晉王以爲匡霸指揮使從破八寨戰臨清以功累

遷洛汾二州刺史潁州團練使新史天成元年舊史明邠州原作華州

今據舊史及承約傳改節度使毛璋在鎮多不法議者疑其有異志新史毛

明宗拜承約涇州節度副使往伺璋動靜承約見璋論以禍福新

列徒璋鎮昭義璋欲不奉詔新傳言卽時受代案新舊書毛璋傳

鑑承約與觀察判官長安邊蔚從容說諭久之乃肯受代通鑑二

五明宗喜拜承約黔南節度使新史加檢校太保舊史承約以恩

信撫諸夷落勸民農桑興起學校居數年當代黔南人詣京師乞

留爲留許一年召爲左衛上將軍改左龍武統軍拜昭義軍節度

使復爲左龍武統軍天福二年遷左驍衛上將軍新史進封開國

公舊史列傳數請老不許卒年七十五贈太子太師新史列傳

張希崇字德峯幽州薊人也少好學通左氏春秋

新史列傳

復辭于吟

詠天祐中劉守光爲燕帥不喜儒士希崇乃擲筆自效

舊史列傳

因事

軍中爲偏將將兵戍平州

新史列傳

八年契丹陷平州

通鑑目錄

得希

崇

舊史言守光敗唐莊宗命周德威鎮其地希崇以舊籍隸麾下

尋遣率偏師守平州安巴堅南攻陷其城掠希崇而去棗契丹陷平州在莊宗攻幽州之先其後未聞復得德威鎮

幽州無緣遣師守平州也舊史誤今從新史及通鑑

知其儒者也

以爲盧龍軍行軍司馬

新史列傳

天成元年

舊史明宗紀

盧文進自平州亡

歸契丹因以希崇代文進爲平州節度使遣其親將以三百騎監

之

新史列傳

希崇性和易

通鑑二百七十六

居歲餘虜將喜其爲人監兵稍怠

新史列傳因與其部曲謀南歸部曲泣曰歸固寢食所不忘也然虜眾

我寡奈何希崇曰吾誘其將殺之兵必潰去此去虜帳千餘里比

其知而徵兵吾屬去遠矣眾曰善乃先爲奔竄以石灰明日召虜

將飲并從者殺之投諸竄中其營在城北亟發兵攻之契丹眾皆

潰去希崇悉舉其所部二萬餘口來奔

通鑑二百七十六

明宗嘉之授汝

州防禦使既之任遣人迎母赴郡母及境希崇親肩版輿行三十

里觀者稱歎

舊史列傳

歷靈武節度使靈州地接戎狄戍兵餉道常苦

鈔掠希崇乃開屯田教士耕種軍以足食而省轉饋明宗下詔褒

美希崇撫養士卒招輯夷落自回鶻瓜沙皆遣使入貢居四歲上

書求還內地徙鎮邠甯晉高祖入立

新史列傳

與契丹修好恐其取靈

武復以希崇爲朔方節度使

通鑑二百八十一

希崇歎曰吾當老死邊徼豈

非命邪希崇事母至孝朝夕母食必侍立左右微饌乃敢退

新史列傳

性雖仁恕嫉惡若仇在邠州有民與郭氏爲義子因復戾遣之郭

氏死有嫡子已長郭氏諸親與義子約云是親子欲分其財助而

訟之前後數政不能理希崇覽其訴判并付親子所訟人與朋姦

者委法官以律定刑聞者服其明

舊史列傳

爲將不喜聲色好讀書頗

知星歷天福三年月掩畢口大星希崇歎曰畢口大星邊將也我

其當之乎明年正月卒贈太師

新史列傳

呂琦字輝山幽州安次人也父充爲橫海軍節度判官節度使劉

守文與其弟守光以兵相攻守文敗死其吏民立其子延祚而事

之以充爲謀主

新史列傳乘城拒守

通鑑二百六十七

已而延祚又爲守光所

敗究見殺守光怒充并族其家琦年十五

厚德錄作年十四

見執將就刑

新史列傳有趙玉者

厚德錄作李玉

幽薊之義士也久游於充門下

舊史列傳給其

監者曰此吾弟也

新史列傳

勿妄殺監者信之遂挈以逃

通鑑二百六十七琦

足弱不能行玉負之逾數百里變姓名乞食於道以免琦爲人美

風儀重節概

新史列傳

感家門殄滅力學自立

通鑑二百六十七

游於汾晉

列傳唐莊宗鎮太原

新史列傳

聞其名

通鑑二百六十七

授代州軍事判官秩滿

太原監軍使張承業重琦器量禮遇尤厚天成初拜殿中侍御史

遷駕部員外郎兼侍御史知雜事

舊史列傳

河陽主藏吏盜所監物下

軍巡獄獄吏尹訓納賄反其獄其寃家訴於朝下御史臺按驗得  
訓贓狀奏攝訓赴臺訓爲安重誨所庇不與琦請不已訓懼自殺  
獄乃辨蒙活者甚衆遷禮部郎中史館修撰長興中廢帝失守河  
中罷居清化坊與琦同巷琦數往過之後廢帝入立待琦甚厚拜  
知制誥給事中樞密院直學士端明殿學士時晉高祖鎮河東有  
二志廢帝患之琦與李崧俱備顧問多所裨畫琦言太原之患必  
因契丹爲助不如先事制之與契丹通和如漢故事歲給金帛妻  
之以女使強藩大鎮顧外無所引援可弭其亂心崧以琦語語三  
司張延朗新史列傳延朗曰如學士計不惟可制河東亦省邊費之什  
九計無便於此者請於庫藏之外措拾以供之

通鑑二百八

因共建其

事廢帝大喜作日以琦等語問樞密直學士薛文遇文遇以爲非

因誦戎昱社稷依明主安危託婦人之詩以諷琦等廢帝大怒急

召琦等問和戎計如何琦等察帝色怒亟曰臣等爲國計非爲契

丹求利於中國也

新史列傳

願陛下察之拜謝無數帝詬責不已琦氣

竭拜少止帝曰呂琦強項肯視朕爲人主耶琦曰臣等爲謀不臧

願陛下治其罪多拜何爲帝怒稍解止其拜各賜卮酒罷之

通鑑二百

八其議遂寢因遷琦御史中丞居數月復爲端明殿學士其後晉

高祖起太原果引契丹爲助遂以亡唐

新史列傳

帝幸懷州趙德鈞駐

軍於團柏谷帝以琦嘗在德鈞幕下因令齋都統使官告以賜之

且犒其軍及觀軍於北陸館於忻州會晉祖降下晉安寨遣使告

於近郡琦適遇其使卽斬之以聞尋率郡兵千人間道而歸

舊史列傳

晉祖入洛琦匿於伊闕民家名爲

舊史李松傳

秘書監累遷兵部侍郎

新史列傳琦以剛直聞而內實仁恕高祖數召琦於便殿言當世事甚



奇之

舊史列傳

天福八年卒趙玉仕至職方員外郎

新史列傳

琦常以玉免

已於難

孔平仲積世說

事之如父玉疾親嘗藥扶持及卒爲其家主辦喪

王子文度幼孤琦教以學如己子後舉進士及第琦有子餘慶端

新史列傳

時議者以非玉之義不能存呂氏之嗣非琦之仁不能撫趙

氏之孤惟仁義二公得之燕趙之士流爲美談

續世說

後漢

劉審交字求益幽州文安人也少畧知書通於吏事爲唐興令補

范陽牙校劉守光僭號以審交爲兵部尙書守光敗歸太原唐莊

宗以爲從事

新史列傳

同光初趙德鈞鎮幽州以內官馬紹宏爲北面

轉運使辟審交爲判官

舊史列傳

天成三年義武節度使王都反

新史

命王晏球進討以審交爲轉運供軍使王都平以勞授遼州刺

史明年復爲北面轉運使改磁州刺史

舊史列傳

以母老去官母喪哀

毀過禮不調累年

舊史作不出累年

晉高祖卽位楊光遠討范廷光於魏

州審交復爲供軍使是時高祖分戶部度支鹽鐵爲三使歲餘三

司益煩弊乃復合爲一拜審交三司使議者請校天下民田宜得

益租審交日租有定額而天下比年無閑田民之苦樂不可等也

遂止不檢而民賴以不擾遷右衛上將軍

新史列傳

六年出爲陳州防

禦使

舊史列傳

視民田見耕器薄陋乃取河北耕器爲範爲民更鑄安

從進平徙審交襄州又徙青州皆有善政罷遣契丹犯京師留蕭

翰而去翰復以審交爲三司使

新史列傳

時漢高祖已建號太原翰懼

將北歸慮京師無主則衆皆爲亂乃遣蕃騎至洛迎唐明宗幼子

許王從益知南朝軍國事

舊史蕭翰傳

高祖擁兵而南從益遣人召高

行周武行德等爲拒行周等皆不至

新史唐明宗家人傳

從益母王淑妃與

羣臣謀迎高祖或謂燕兵在京師者猶數千可以城守而待行周

淑妃不從議未決審交曰余燕人也今爲燕守城當爲燕謀

新史列傳

願事有不可如何者今城中大亂之餘公私窮竭遺民無幾若復

受圍一月無噍類矣願諸公勿復言一從太妃處分

通鑑二百八十七

從

益乃罷不設備遣人西迎高祖高祖至罷審交不用隱帝時爲汝

州防禦使有能名乾祐三年卒年七十四州人聚哭柩前上疏乞

留葬近郊使民得歲時祠祭詔特贈太尉起祠立碑

新史列傳

龍敏字欲訥幽州永清人也少仕州攝參軍劉守光亂敏避之滄

州遂客於梁久不調敏素善馮道道爲唐莊宗從事乃潛往依之

監軍張承業謂道曰聞子有客可與俱來道以敏見承業辟敏監

軍巡官使掌奏記莊宗卽位召拜司門員外郎敏父盛式

舊史作盛式

年七十餘而其祖父年九十餘皆在鄭

新史列傳

以家貧乏養求爲興

唐少尹

舊史列傳新史無少字

事祖父以孝聞丁母憂去職

新史列傳

同光四年

鄴都軍將趙在禮反

新史唐紀五

暹敏起視事明宗卽位在禮鎮滄州

敏乃得復居喪服除拜吏部侍郎時晉高祖起太原乞兵契丹唐

廢帝在懷州趙德鈞父子有異志張敬達屯於晉安勢甚危急廢

帝問計從臣敏曰晉所恃者契丹也東丹王失國之君今在京師

若以兵送東丹自幽州而入西樓契丹且有內顧之憂何暇助晉

晉失契丹大事去矣

新史列傳

帝深以爲然而執政恐其無成議久不

決

通鑑二

又謂李懿曰君連姻帝戚社稷之危不俟翹足安得默

默苟全邪

舊史列傳

懿爲言德鈞必能破敵之狀

通鑑二

敏曰敏燕人

也能知德鈞德鈞爲將守城嬰塹篤勵健兒而已使其當大敵奮

不顧身非其能也况有異志乎

新史列傳

今從駕兵尙萬餘人馬近五

千匹若選精騎一千使僕與郎萬金將之自介休山路夜冒虜騎

入晉安寨但使其半得入則事濟矣張敬達等陷於重圍不知朝

廷聲聞若知大軍近在國柏雖有鐵障可衝陷况虜騎乎通鑑二百八十一

懿爲言之廢帝新史帝曰龍敏之心極壯用之晚矣人亦以爲大

言其慷慨感激皆此類也舊史歷晉爲太常卿使於吳越是時使

吳越者見吳越王皆下拜敏獨揖之還遷工部侍郎乾祐元年場

發於首卒贈右僕射新史

後周

扈載字仲熙北燕人也少好學善屬文新史賦頌碑贊其所尤長

舊史列傳廣順初舉進士高第拜校書郎直史館再遷監察御史其爲

文章以辭多自喜常次歷代有國廢興治亂之迹爲運源賦甚詳

又因遊相國寺見庭竹可愛作碧鮮賦題其壁世宗聞之遣小黃

門就壁錄之覽而稱善因拜水部員外郎知制誥翰林學士賜緋

而載已病不能朝謝居百餘日乃力疾入直院學士世宗憐之賜

告還第遣太醫視疾

新史列傳

初載以文章馳名

宋史李穀傳

一時樞密使

王朴尤重其才薦於宰相李穀久而不用朴以問穀曰愿載不爲

舍人何也穀曰非不知其才然載命薄恐不能勝朴曰公爲宰相

以進賢退不肖爲職何言命耶

宋史李穀傳作王朴薦令知制誥除書未下朴詣中書言之穀曰云

云與此畧異

已而召拜知制誥及爲翰林學士居歲中病卒年三十六

新史列傳

載自解褐至終纔四年有才無命時論惜之

舊史列傳

南唐

高越字冲遠幽州人精詞賦有名燕趙間

馬令南唐書云精警有才思

盧文進

鎮上黨具禮幣致之初以客從及文進徙安州越又從之遂爲其

掌書記文進仲女有才色能屬文號女學士因以妻越

陸游南唐書列傳

晉高祖立與契丹約爲父子

新史盧文進傳

文進以嘗背契丹

舊史盧南文進傳南

奔越與俱行先投鄂帥張宣久不見知越題鷹詩以請之

十四年秋列傳

馬令南唐書載越以鷹詩請張宣云晴空不碍摩天翻未肯平原淺草飛遂不告而去所說不同

以爲秘書郎烈祖受禪遷水部員外郎改祠部浙西營田判官與

江文蔚俱以能賦擅名江表時人謂之江高保大初文進卒

陸書列傳

馮延巳誣以陰事收文進諸子欲籍其家越上書訟文進寃指延

巳過惡詞氣甚厲時延巳方用事人頗壯之元宗怒以越屬吏貶

斬州司士參軍而盧氏亦賴以得全

陸書盧文進傳

就遷軍事判官與隱

士陳曙爲物外交淡然不志榮利久之仍徙廣陵令遷判吏部歷

侍御史知雜元帥府掌書記起居郎中書舍人淮南交兵書詔多

出越手援筆立就詞采溫麗元宗以爲稱職不徙官者累年後主

立始遷御史中丞勤政殿學士左諫議大夫兼戶部侍郎修國史

卒年六十二諡曰穆貧不能葬後主爲給葬費世歎其清

陸書列傳越

好釋氏著有舍利塔記一卷

十國春秋列傳

兄子達

陸書列傳

道字攸遠父操袁州別駕道少孤為人夷雅冲淡而遇事有奇節  
杜門力學不交人事烈祖受禪招來四方秀傑得道以爲秘書省  
正字保大初遷校書郎兼太常修撰遂爲太常博士淮南兵興元  
宗召見賜金紫使典戎府書檄歷禮部員外郎樞密判官侍御史  
知雜史館修撰起居郎知館事遂爲勤政殿學士國初命兵部尙  
書陳潛修吳史未成而卒其後領史職者多貴游或新進少年纂  
述殆廢遠自保大中預史事始撰烈祖實錄二十卷敘事詳密後  
主嗣位遠猶在史館與徐鉉喬匡舜潘佐共成吳錄二十卷遠又  
自撰元宗實錄十卷唐餘紀傳云編緝昇元以來故事爲一家之言未及上會屬疾取史  
稿及他所著書凡百餘卷悉燔之卒年五十七贈給事中諡曰良  
後主欲修國史訪稿於其家無復在者遠有精識方邊鑄入潭州  
湖南悉平百官入賀遠獨曰我乘楚亂取之甚易觀諸君之才守



之實難聞者愕然以爲過及後如所料乃皆服其先見

陸游南唐書高越附

盧文進字大用

舊五代史作國用

范陽人

新五代史列傳

身長七尺飲啖過人望

之偉如也少事劉守光爲騎將唐莊宗攻燕以文進首降遙授壽

州刺史

舊五代史列傳

莊宗以屬其弟存矩存矩爲新州團練使統山後

八軍莊宗與劉鄩相距於莘召存矩會兵擊鄩存矩募山後勁兵

數千人課民出馬人皆怨而兵又不樂南行至祁溝關聚而爲亂

新史

殺存矩文進不能制撫膺哭其尸曰奴輩害即君使我何面

見晉王因爲衆所擁

通鑑二百六十一

存矩求爲側室文進不敢拒心常歎之因與

亂軍殺存矩與此小異

通鑑用舊史今從之也反攻新州不克攻武州又不克遂奔契丹

新史

命爲幽州兵馬留後

舊史

又以爲盧龍節度使

契丹

使守平

州

新史

娶虜公主

陸游南唐書列傳

明宗卽位

新史

遣使間說之文進所

部皆華人思歸乃殺契丹戍平州者

通鑑二百六十九

帥衆數萬歸唐明

宗得之甚喜以爲義成軍節度使居歲餘徙鎮威勝加同平章事

入爲上將軍出鎮昭義徙安遠頗有善政兵民愛之晉高祖立與

契丹約爲父子文進懼不自安

新史列傳

且木燕人尙氣不能屈於晉

乃決計歸吳

陸書列傳

將行從數騎馳至營中別其將士告以避契丹

之意將士皆再拜爲訣

新史列傳

乃殺行軍司馬馮知光節度副使杜

重貴等率其部眾奔金陵

舊史列傳

拜大雄統軍宣潤節度使委任賓

佐政績甚美潤州市大火文進馬步使救之益熾文進怒自出府

門斬馬步使傅聲而火止

九國志云使召馬步使將斬之聲至火即滅

人皆異之召還

以左衛上將軍兼中書令范陽王奉朝請猶給藩鎮俸卒馮廷已

惡文進文進亦以素貴不少下及卒乃誣以陰事盡收文進諸子

欲籍其家

陸書列傳

營田判官高越文進丈夫也

十國春秋列傳

上書訟之

高越傳 元宗怒以越屬吏貶蘄州司士參軍而盧氏亦賴以全陸書

先是文進攻新州不克夜走墜塹一躍而出明日視之乃郡之黑

龍潭也絕岸數丈深不可測又嘗有大蛇徑至座間引首及膝文

進取食飼之而去由是自負馬書列傳反復南北終無挫衄焉十國書

其奔契丹也數引契丹攻掠幽薊之間虜其人民教契丹以中國

織紉之作無不備契丹由此益彊及其南奔始屈身晦述務為恭

謹禮接文士謙謙若不足其所談論近代朝廷儀制臺閣故事而

己未嘗言兵新史列傳嘗云陷契丹中屢入絕塞正畫方獵天色晦黑

眾星燦然問蕃人云所謂箕却日也陸書作宜日以此為常頃之乃明

方午也又嘗於無定河見人脛骨一條大如柱長可七尺南部皆

異事云十國書秋列傳

潘佑幽州人祖貴事劉仁恭為將守光殺之父處常脫身南奔事

烈祖爲散騎常侍佑生而猶潔閉門苦學不省人事文章議論見  
推流輩陳喬輩薦於元宗起家秘書省正字後主在東宮開崇文  
館以招賢佑預其間及嗣位遷虞部員外郎史館修撰議納后禮

援據精博遷知制誥召草勸南漢書文不加點

陸書

列傳果數干言情

辭款洽識者稱之

十國春秋

遷中書舍人後主以潘卿稱之酷喜老

莊之言

陸書

嘗作文名曰贈別其辭曰

十國春秋

列傳莊周有言得者時

也失者順也安時處順則哀樂不能入也僕似斯言久矣夫得者

如人之有生自一歲至百歲自少至壯自壯得老歲遲之來不可

卻也此所謂得之者時也失之者亦如一歲至百歲暮則失早今

則失昔壯則失少老則失壯行年之去不可留也此所謂失之者

順也凡天下之事皆然也達者知我無奈物何物亦無奈我何也

其視天下之事如奔車之歷蟻蛭也值之非得也去之非失也燕

之南越之北日月所生是爲中國其間含齒戴髮食粟衣帛者是  
爲人剛柔動植林林而無窮者是爲物以聲相命是爲名倍物相  
聚是爲利巢首而芸芸是爲事事往而記於心爲喜爲悲爲怨爲  
思其名雖鼠實一心之變也始則無物終復何有而於是強分彼  
我彼謂我爲彼我亦謂彼爲彼彼自謂爲我我自亦謂爲我終不  
知孰爲彼耶孰爲我耶而世方徇欲嗜利繫心於物局促若轅下  
駒安得如列禦寇莊周者焚天下之轅釋天下之駒浩浩乎復歸  
於無物歟陸書建州節度使李平習其說因相與遊陸書李平傳開寶  
五年更官名改內史舍人初與張洎相親厚及俱在西省所趨旣  
異情好頓衰每歎曰堂堂乎張也難與并爲仁矣時南唐日衰削  
用事者充位無所爲佑憤上疏極論時政歷詆大臣將相詞甚激  
訐陸書獨稱薦李平請以判司會府羣議益不平陸書李平傳後主雖

數賜手札嘉歎終無所施用佑七疏不止且請歸田廬乃命佑專  
修國史悉罷他職而佑復上疏曰三軍可奪帥也匹夫不可奪志  
也臣乃者綴上表章凡數萬言詞窮理盡忠邪洞分陛下力破姦  
邪曲容諂僞遂使家國惜惜如日將暮古有桀紂孫皓者破國亡  
家自己而作尙爲千古所笑今陛下取則姦回敗亂國家不及桀  
紂孫皓矣臣終不能與姦臣雜處事亡國之主陛下必以臣爲罪  
則請賜誅戮以謝中外詞既過切張洎從而擠之後主遂發怒以  
佑素與李平善意佑之狂直多平激之又以建白造民籍爲所排  
乃先收平屬吏併使收佑佑聞命自剄年三十六陸書列傳佑有文而  
容陋其妻右僕射嚴續之女有絕態一日晨妝佑潛窺於鏡臺面  
落鏡中妻怖遽倒怒其惡已因棄之湘山野錄佑母方娠夢古衣冠人  
告曰我顏延之也與夫人爲子及生七歲始能語曰兒誤傷白龍

爲上帝所罰也因吟詩云朝遊滄海東暮歸何太速祗因騎折白

龍腰請向人間三十六

馬書列傳

果當其歲死

湘山野錄

饒州處士劉洞賦

詩弔之國中人人誦傳爲泣下及王師南征下詔數後主殺忠臣

蓋謂佑也

陸書列傳

前蜀

王宗瑤字寶臣燕人也本姓姜名邽以騎射隸許昌軍籍中王建

擢爲隊長建迎駕山南宗瑤以勇伉得隸左神策軍能馬上盤槊

長丈八尺每臨陣馳突人望而畏之遷威猛副兵馬使

九國志

光啟

二年進攻閬州

新史前蜀世家

爲先鋒十九都都頭左夙猛都知兵馬使

賜姓名

九國志

志又言軍至綿竹誘諸蠻酋帥蹇諫等得兵數

之通鑑建軍綿竹在文德元年其時與陳敬瑄相攻其破常厚及

前蜀世家在太順二年其時常厚執宗弼攻梓州時地皆不同志

合三事爲一殊混原其所以誤者前蜀世家言建招集亡命及漢

洞夷落有衆八千以攻閬州其事與軍綿竹時說土酋事相類故

耳今建又攻利州西川節度陳敬瑄患之以問監軍田令孜令孜

使人招建

新史前蜀世家

建帥麾下精兵二千與宗瑤俱西至鹿頭關敬

瑄悔遣人止之增修守備建怒破關而進

通鑑二百五十七

拔漢川陷德

陽宗瑤之功爲多

十國春秋列傳

建攻成都不克退軍新都時綿竹土豪

何義陽安仁費師勲等所在擁兵自保眾或萬人少者千人建遣

宗瑤說之

通鑑二百五十七

皆帥眾來附且饋以貲糧一軍爲之大振

十國

春秋

天順二年

據前蜀世家補

破常厚授蜀州刺史

九國志

景福初官茂州

刺史將兵攻彭州敗楊晟於城下未幾徙簡州

十國春秋列傳

乾甯二年

左右神策軍護軍中尉駱全瓏劉敬宣指揮使王行實李繼鵬反

新書昭宗紀

昭宗幸蜀石門建以宗瑤爲北路行營都指揮使

九國志將

兵赴難

通鑑二百六十

十國春秋言三鎮犯關宗瑤帥師赴難

東皆辭遣鎮其後李繼鵬之亂昭宗幸石門鎮建始遣宗瑤赴難

九國志奏授嘉州刺史



兵綿州軍容甚盛國人莫不嘖嘖稱之十國春秋天復中授武信軍節

度使建開國加太子少傅九國志六年建卽皇帝位前蜀世家唐

天祐建興唐隔絕封臨淄郡王九國志十國春秋敘封王於後

不知故仍稱天復兼中書令永平五年充東北面招討使攻鳳州

爲王九國志較是兼中書令永平五年充東北面招討使攻鳳州

遂克其地十國春秋建病亟以宗瑤爲金吾使參預顧命衍嗣位授

太傅嘗自作高冢遇暇則酣飲高歌於其中無疾忽一旦默坐而

卒年六十七人以爲知死九國志

後蜀

孫欽幽州安次人性忠烈善騎射少遇亂隸安義軍節度使充衙

內都頭後改補合州衙內都頭兼主客都虞候從本州刺史徐章

入蜀會孟知祥鎮成都長興初轉充右截山都頭董璋來寇戰鷄

蹤橋有功遷普州刺史租輿位累遷東州武德軍左奉聖都指揮

使九國志

廣政中郭延鈞判武德軍與監押王承丕不相協承丕陰

謀作亂會欽以郭兵戍邊過辭承丕承丕挾與俱見延鈞

十國春秋列傳

欽不知其謀從之承丕至則令左右擊殺延鈞屠其家稱奉詔處

置軍府卽開府庫賞士卒出繫囚發屯戍

通鑑二

明日大會將校

寮屬

九國志

欽謂承丕曰今延鈞已伏辜公宜出詔書以示眾承丕

曰我能致公富貴勿問詔書

通鑑二

欽知其反也因結曰今內外

未安我當以部兵爲公巡察卽麾鞭躍馬而出承丕連呼之

十國春秋

傳列不止欽至營曉諭其眾

通鑑二

曰承丕不道枉殺府公非反而

何當共誅之遂帥兵入府攻承丕

十國春秋列傳

承丕左右欲拒戰叱之

皆棄兵走遂執承丕斬之并其親黨傳首成都

通鑑二

加檢校太

子賓客二十五年寢疾卒年七十二

九國志

宋

趙普字則平幽州薊人

宋史列傳

性深沈有岸略

通鑑七十一

顯德初辟

永興劉詞節度從事表薦於朝范質征淮南奏爲軍事判官宣祖

臥疾滁州普奉侍藥餌宣祖待以宗分

宏簡錄九十九 宋孫公談國云藝祖從之上徽時猶嫉惡不

營營前陳學突聚生徒爲學宣祖遣藝祖從之上徽時猶嫉惡不  
容人過陳時時開論後得趙學突即館于汴第杜后錄陳之普召  
至門下與趙俱爲門客然藝獨與趙計事陳不與也趙學究即趙  
普據此則普從太祖已久與宏簡錄及宋史所載互異今附錄於

此以備考太祖嘗與語奇之時獲盜百餘普疑有無辜者啟太祖訊鞠

之獲全活者眾

宋史列傳

淮南平改渭州判官自此太祖領同州鎮未

州日見親用表爲掌書記陳橋推戴普先預聞與匡義排闥入告

眾方擁入及受禪

宏簡錄

以佐命功授右諫議大夫充樞密直學士

宋史列傳

征李筠與呂餘慶留守事平遷兵部侍郎樞密副使

宏簡錄建隆

元年宋主尊其母杜氏爲皇太后后有疾召普入受遺命普即榻

前爲誓書於紙尾署曰臣普記

通鑑輯覽

案誓書即杜太后言百歲後傳光義光美光榮傳

德昭之命也

三年拜樞密使檢校太保宋主謂普曰天下自唐季以後

數十年間帝王凡易八姓鬪戰不息生民塗炭其故何也吾欲息

天下之兵爲國家長久計其道何如對曰此無他方鎮太重君弱

臣強而已今欲治之宜稍奪其權制其錢穀收其精兵則天下自

安矣

通鑑

乾德二年范質等三相同日罷以普爲門下侍郎平章

事集賢殿大學士

宋史

普旣相以天下爲己任宋主倚任之

通鑑

相視如左右手事無大小悉咨決焉每退朝慮上微行不敢便衣

冠

宏簡

一日大雪向夜普意帝不出久之聞叩門聲普亟出帝立

風雪中普惶懼迎拜帝曰已約晉王矣已而太宗至設重裯地坐

堂中熾炭燒肉普妻行酒帝以嫂呼之因與普計下太原

宋史

普曰太原當西北二面若下我獨當之不如姑俟削平諸國則彈丸

黑子之地將安逃乎帝曰吾意正如此特試卿耳又嘗以幽燕地

圖示普問進取之策普曰圖必出曹翰上曰然因問翰可取否對曰翰可取孰可守上曰以翰守之又曰翰死孰可代其深慮類若此宏簡錄普嘗薦某人爲某官宋主不許明日復奏亦不許明日又

奏宋主大怒裂碎奏牘擲地普顏色不變跪而拾之以歸他日補綴舊牘復奏如初宋主乃悟卒用其人又有羣臣當遷官宋主素惡其人不與普堅以爲請宋主怒曰朕固不與遷卿若之何普曰刑賞天下之刑賞陛下豈得以喜怒專之宋主怒甚起普亦隨之

宋主入宮普立宮門久之不去竟得俞允其剛毅果斷又如此通鑑

釋五年加右僕射昭文館大學士至開寶中獨任相位及十年爲覽政頗自專廷臣多忌者宏簡錄六年帝幸其第時錢王俶遣使致書

於普及海物十瓶置廡下不及屏帝顧問何物普以實對上曰海物必佳卽命啟之皆瓜子金也普惶恐頓首謝曰臣未發書實不

知帝歎曰受之無妨彼謂國家事皆由汝書生耳

宋史列傳

太祖常與

普議事有不合上曰安得宰相如桑維翰者與之謀乎普曰使維

翰在亦不用蓋維翰愛錢太祖曰苟用其長亦當護其短措大眼

孔小賜與十萬貫則塞破屋子矣

東軒筆錄

未幾出為河陽三城節度

檢校太傅同平章事太平興國初入朝頗為盧多遜所毀奉朝請

上書自陳預聞太祖昭憲皇太后顧託之事辭甚切太宗感悟召

見慰諭俄拜司徒兼侍中封梁國公

宋史列傳

八年復出為武勝軍節

度使

宏簡錄九十九

帝作詩餞之賜宴長春殿普奉詩泣曰陛下賜臣

詩當刻石與臣朽骨同葬泉下帝為之動容雍熙三年大軍討幽

薊普具疏切諫願罷伐燕之師帝手詔褒答四年冊拜太保兼侍

中尋免朝有大政則召對信化三年以老病乞骸骨拜太師封魏

國公未幾卒

宋史列傳

上聞之震悼謂近臣曰普盡忠國家真社稷臣

也

通鑑

普少習吏事寡學術及爲相太祖嘗勸以讀書晚年手不

釋卷每歸私第闔戶啟篋取書讀之竟日及次日臨政處決如流

旣薨家人發篋視之則論語二十篇也

宋史

列傳普嘗謂帝曰臣有論

語一部以半部佐太祖定天下以半部佐陛下致太平

通鑑

輯覽太祖

嘗謂普曰天下何物最大普熟思對曰道理最大上屢稱善

稱筆

真宗咸平初追封韓王

宋史

列傳

趙上交涿州范陽人本名遠字上交避漢祖諱以字行祖光鄴鄆

州錄事參軍父簡章涿州司馬

宋史

列傳上交色黑身長美風儀善談

論負才任氣爲鄉里所推

宏簡錄一

後唐同光中嘗詣中山于王

都有和少微者在都門下忌之頗毀訾上交都遂不爲禮上交不

得志

宋史

列傳南游洛陽爲中官馬紹宏北西轉運制置判官遷殿中

丞

宏簡

錄秦王從榮開府上交爲虞部員外郎累遷司封郎中充

判官從榮素豪邁不遵禮法好昵羣小上交從容言曰

宋史列傳大王

地居上嗣當勤修令德奈何所為如是勿謂父子至親為可恃獨

不見恭世子戾太子乎

通鑑二百九十一

從榮怒而出之

宋史列傳

歷愷秦二

鎮州節度判官從榮後果及禍僚屬皆斥由是知名

通鑑補

晉初召

為左司郎中累遷刑部侍郎奏言長輿中詔書凡州縣官詳讞刑

獄昭雪人命者不限歲月赴選許令超資注官仍賜章服然未該

及內外職司乞自今但能雪活冤獄不限中外官並加旌賞俟考

滿詣刑部投狀從之

宏簡錄

轉戶部侍郎拜御史中丞彈舉無所阿

避漢祖卽位授檢校禮部尚書太僕卿遷秘書監

全唐文

周祖監國

命太師馮道迎湘陰公于於州以上交副之

宋史列傳

廣順初拜禮部

侍郎會將試貢士上交申明條制頗為精密始復糊名考校擢扈

載甲科及取梁周翰董滄之流時稱得士轉戶部侍郎

宋史列傳明年



再知舉拒樞密王峻所薦童子峻怒奏其選士失實改太子詹事

顯德初遷賓客二年拜吏部侍郎尋免官入宋全唐文起爲尚書右

丞建隆二年卒年六十七涖官以幹密聞時稱有公輔器雅好吟

詠有集二十卷張昭爲序宏簡錄子曠字可畏七歲喪母過哀十二

能屬文與兄陵同舉進士未成名而兄天遂以蔭補千牛備身歷

秘書郎殿中丞著作郎卒年二十六有集十卷太宗嘗取以入內

宋史  
列傳

趙匡贊字元輔本名美通史拾遺後避宋太祖偏諱遂去匡名贊云

幽州薊人也十國春秋祖德鈞父延壽自有傳贊幼聰慧後唐明

宗愛之與諸子外孫並育於六宅稱爲令器宏簡錄百德鈞奏臣

孫贊年五歲默念論語孝經宋史趙贊傳贊七歲誦舉童子於

汴州取解就試詔曰都尉之子太尉之孫能念儒書備彰家訓不

勞就試特與成名宜賜別救及第附今年春榜續世說 案宋史云附長興三年禮

部春

久之延壽出鎮宣武軍因奏署牙內都校宋史列傳清泰末德鈞

父子降契丹贊獨與母公主留西洛遼史拾遺天福三年晉祖命贊奉

母歸薊門契丹署爲金吾將軍宋史列傳未幾契丹主以延壽爲幽州

節度使舊史趙延壽傳又署匡贊爲牙內都校十國春秋天福末契丹與少帝

絕好契丹主委延壽以圖南之事舊史延壽傳及平原陷匡贊復受契

丹署爲河中節度使延壽從契丹北歸匡贊得留鎮河中十國春秋漢

高祖起晉陽匡贊奉表勸進加檢校太尉仍鎮河中遼史拾遺至盤邑

遣使諭匡贊仍以契丹囚其父延壽告之通鑑二或傳延壽已死

郭威言於漢主曰趙匡贊契丹所署今猶在河中宜遣使弔祭因

起復移鎮彼旣家國無歸必感恩承命從之徙匡贊爲晉昌節度

使通鑑匡贊懼漢疑已十國春秋潛謀歸蜀判官李恕諫止錄宏簡乃遣恕

奉表於漢請入朝

通鑑

漢祖見想問贊何以附蜀想曰贊家在燕薊

身受契丹之命自懷憂恐謂陛下終不能容招引西軍蓋圖苟免

臣意國家甫定務安臣民所以令臣乞哀求覲漢祖曰匡贊父子

本吾人也事契丹出於不幸今聞延壽落陷奔吾忍不容匡贊耶

想未還匡贊已離鎮

十國春秋

漢祖納之入朝命爲左驍衛上將軍仕

周歷左右羽林左龍武三統軍世宗南征初遣巡警壽州城外歸

京留諸將分兵圍壽春贊獨當東面諸將戰不利贊能特重自秋

涉冬未嘗挫衄及再征壽春

宏簡錄

發近縣丁夫數千城鎮淮軍爲

二城夾淮水徙下蔡浮梁於其間扼濠壽應援之路會淮水漲唐

濠州都監彭城郭廷誥以水軍泝淮欲掩不備焚浮梁匡贊規知

之伏兵邀擊破之

通鑑紀事本末

二百三十九 及世宗移兵趣濠以牛革蒙大

盾攻城贊親督役矢集於冑雖被重傷猶力戰遂拔其羊馬城

宋史

列淮南平以功授保信軍節度使視事之日盡去苛政務從寬簡

居民使之宋初移忠正軍檢校太師改鎮延州許以便宜行事乃

分置步騎前後不絕羌渾來迎者望見旌旗編屬無不攝服宏簡錄

太祖討晉陽以爲行營前軍馬步軍都虞候十國春秋車駕薄城下分

軍四面贊扼其西面宋史列傳北漢人乘晦突門前犯西寨贊率衆與

戰弩矢貫贊足未退續資治通鑑太祖勞問數四宋史列傳賜以良藥改鎮

邠州太宗時封衛國公卒年五十五贈侍中十國春秋贊頗知書喜爲

詩容止閑雅接士大夫以禮馭衆有方略宋史列傳爲政雖無異跡而

吏民畏服亦近代之賢帥也宏簡錄

宋琪字儼質幽州薊人少好學宋史列傳通書史宏簡錄晉祖割燕地

以奉契丹契丹歲閱貢部琪舉進士中第天福六年幽帥趙延壽

辟琪爲從事會契丹內侵隨延壽至京師延壽于贊領河中節度

使署琪爲記室周世宗征淮南贊自右龍武統軍爲排陣使復辟

琪從征及金陵歸款以贊領廬州表爲觀察判官部有免獄琪辨

之免死者三人特加朝散大夫

宋史列傳

宋初拜左補闕太平興國中

自員外郎累遷尙書拜同平章事

宋史列傳

九年九月上幸景龍門外

觀水磴

宋史列傳

因語侍臣此水出於山源清冷甘美故餘潤所及凡

近河水味皆甘琪對曰亦猶人之善惡以染習而成也上爲醒然

宏簡其年冬郊祀禮畢加門下侍郎昭文館大學士

宋史列傳

未幾以

件上意罷守本官端拱初耕藉田進吏部尙書

宏簡錄

時契丹屢寇

邊詔羈臣上備戎策琪請大軍於易州循孤山涉涿水抵桑乾河出

安禮砦

黎孤山在順天府房山縣涿州分道處安禮砦在宛平縣南

東瞰燕城纒及一舍此

周德威取燕之路下視孤壘取燕必克

通鑑輯覽

琪本燕人以故究知

蕃部兵馬山川形勢俄又上奏曰國家將平燕薊臣敢陳十策一

契丹種族二料賊眾寡三賊來布置四備邊五命將六排陣討伐

七和藩八饋運九收幽州十滅契丹疏奏頗採用之信化二年詔

百官轉對琪首應詔建明堂辟雍之議五年

宋史列傳

朝廷討李繼遷

及四川賊帥李順又上書言頃任延州判官經涉五年蕃部之事

熟於聞聽又任西川數年經歷山川備見形勢要害語多不錄上

密寫其奏付軍中令將士擇利而行

宋史列傳

至道元年春大宴於含

光殿上問琪年對曰七十有九上因慰撫久之

宋史列傳

退乃作多幸

老民敘謂洪範五福

宋史列傳

人所難全而已兼有之實天幸也

宋史列傳

二年拜右僕射月給實俸許五日一朝九月被病口占遺表而薨

贈司空諡惠安

宋史列傳

琪素有文學頗諧捷在使府前後三十年周

知人情尤通吏治在相位日百執事有所求請多面折之以是取

怨於人

宋史列傳

始爲程羽賈玟所抑繼爲盧多遜所忌其後自員外

郎歲中四遷至尙書居相位卽此而觀則守道蒙福者非幸致也

宋史子貽序右贊善大夫貽麻大理評事貽廣童子出身宏簡錄貽

序嘗預修冊府元龜筆札道勁未幾坐事左遷復州副使爲殿中

丞卒宋史列傳

宋雄者亦幽州人初與琪齊名宋史人稱二宋在郊祁之前陔餘叢考

仕契丹爲應州從事至觀察判官宏簡錄九十九雍熙三年三月丁亥潘

美攻應州雄舉城投降雄爲鴻臚少卿同知州事改光祿少卿遼史

拾遺歷知均唐二州未幾護河陰屯兵以知河渠利害命領護汴口

均節水勢以達轉漕京師賴之改太子詹事復爲光祿少卿遷將

作監宋史列傳所至職事修舉公私倚任頗涉文史善談論有氣節士

流多推許之宏簡錄景德元年卒宋史列傳

董遵誨涿州范陽人父宗本善騎射隸契丹帥趙延壽麾下嘗以

事說延壽不能用及延壽被執舉族南奔

宋史列傳

漢祖擢宗本隨州

刺史署遵誨牙校入周從其舅高懷德北征師次高平與晉人遇

遵誨先出奇兵逆擊大軍繼進遂敗之又隨韓通克秦鳳二州

宏簡

錄一百二十 戰於唐倉先登陷陣擒蜀招討使王鸞以獻師還錄其前

後功補東西班押班又遷驍武指揮使

宋史列傳

太祖始徵時客遊漢

東嘗依宗本

宏簡錄

遵誨馮藉父勢侮之

通鑑輯覽七十一

嘗謂太祖曰

宏簡

列傳每見城上有紫雲如蓋又夢登高臺遇黑蛇約長百餘尺俄化

龍飛騰東北去雷電隨之是何祥也太祖皆不對他日論兵遵誨

理屈拂衣起太祖乃辭宗本去

通鑑輯覽

於是紫雲漸散及卽位召見

便殿遵誨伏地請死帝令左右扶起因諭之曰卿記往日紫雲化

龍之夢乎

宏簡錄

遵誨再拜呼萬歲

宋史列傳

俄部卒訴其不法十餘事

帝釋不問益惶愧待罪諭曰朕方赦過賞功豈念舊惡可勿復憂



遵誨感泣

宏簡錄

遵誨母在幽州患難睽離太祖厚賞邊民購得之

仍加優賜

通鑑輯覽

遵誨遣外弟劉綜貢馬以謝太祖解其所服真珠

盤龍衣命齋賜之綜曰遵誨人臣豈敢當此太祖曰吾方委以方

面不此嫌也

宋史列傳

乾德六年以西夏近邊授通遠軍使

一統志

遵誨

至鎮召諸酋長諭以朝廷威德眾皆感悅後數月復來擾邊遵誨

率兵深入其境俘斬甚眾獲羊馬數萬夷落以定

通鑑輯覽

太祖嘉其

功就拜羅州刺史太宗卽位兼領靈州路巡檢

宋史列傳

在鎮十四年

宏簡錄

安撫一面夏人悅服

一統志

嘗有剽掠靈武進奉使鞍馬兵器

者懼遵誨討盡歸之拜伏請罪遵誨卽慰撫令去自是不敢有所

犯

宏簡錄

遵誨不知書豁達無崖岸多方略能挽強命中武藝皆絕

人歷太祖太宗朝委遇始終不替

宋史列傳

卒年五十六帝軫悼遣中

使護葬贈賻加等錄其子嗣宗嗣榮爲殿直

宏簡錄

張暉幽州大城人後唐清泰初隸控鶴軍累遷奉國弩手都頭

宋史

列傳晉開運末與武行德奪契丹甲船於河陰爲河陽弩手指揮使

宏簡錄一復令引兵趣懷州契丹將遁去因領州軍

宋史

列傳漢祖入

汴迎於滎陽授懷州刺史

宏簡錄

乾祐初郢州刺史慕容業治多不

法以暉爲緣漢都巡檢使領唐州屯兵至郢州卽代業還京改郢

州刺史

宋史

列傳周廣順初改沂州

宏簡錄

三年吏民詣闕舉留俄改冀

州會詔築李晏口東鹿安平博野百八橋武強等城命暉護其役

踰月而就從世宗征淮甸充壕砦都指揮使旣拔楚泗卽授泗洲

刺史改耀州俄爲西南面橋道使

宋史

列傳宋初從征澤潞爲行營濠

砦使先登陷陣遷華州團練使

宏簡錄

治有善狀

續資治通鑑

三建隆二年

太原未下詔入覲問計對曰澤潞經李筠之叛瘡痍未復軍旅一

興恐人力重困不如戢兵育民俟富庶而後爲謀乃賜襲衣金帶

鞍馬

宋史列傳

慰勞遣還於是始謀伐蜀

續資治通鑑

蜀主欲通使王昭遠

固止之乃率兵屯峽路增置水軍帝聞之以暉爲鳳州團練使

通鑑

紀事本末

暉盡得其山川險易上疏進取之計帝覽之甚悅

續資治通鑑

乾

德二年大軍西下乃以暉充西川行營先鋒都指揮使

宋史列傳

督兵

開大散關路躬撫士卒且役且戰人忘其勞至青泥嶺卒天禧中

妻年百五歲

宏簡錄

家貧詣闕自陳詔賜束帛錄其孫爲三班借職

宋史列傳

邊歸謨字安正幽州薊人

宋史列傳

檀州刺史退思之子

宏簡錄

一弱

冠以儒學名後唐末客游并邠

宋史列傳

晉祖鎮太原召置門下表爲

河東節度推官試秘書郎大理評事天福初拜監察御史

宏簡錄

歷

殿中侍御史禮部員外郎充戶部判官遷水部郎中賜金紫

宋史列傳

轉比部知制誥歷右諫議大夫給事中至右散騎常侍

宏簡錄

嘗上

言使臣經過州縣劾料外妄自徵需以豐儉從多索人贖用遞行

李挾命爲勢凌下作威供億稍遲卽加鞭箠吏民受辱甯免怨嗟

欲望察訪得情嚴示懲戒從之漢初歷禮部刑部二侍郎宋史列傳是

時史宏肇爲都指揮使與宰相樞密使共執國政而宏肇尤專任

新史康義 怙權專殺閭里告訐成風宋史列傳有醉者忤一軍卒軍卒

誣其訛言坐棄市李崧坐奴告變族誅新史史宏肇傳歸讜言曰邇來有

匿名書及言風聞事構害善良有傷風化遂使貪吏得以報復私

怨讒夫得以肆其虛誕請明行條制禁遏罔誣凡顯有披論具陳

姓名其匿名書及風聞事者並望止絕論者疑之宋史列傳周廣順初

復遷兵戶二部世宗問其亮直擢尙書右丞樞密直學士轉左丞

宏簡 以備顧問宋史列傳歸讜性剛介號廉直言多忤物宏簡錄 顯德三

年冬大宴廣德殿歸讜酒酣揚袂言曰至於一栻而已世祖合黃

門扶出之歸讜回顧曰陛下何不決殺趙守微守微者本村民因獻策擢拾遺有妻復娶又言涉指斥坐決杖配流故歸讜語及之

翼日伏閣請罪詔釋之仍於閣門復飲以愧其心五年秋歸讜與

百官班廣德殿外忽厲聲聞於帝詔奪一季奉宋史世宗以累朝

以來憲綱不振宋史特命爲御史中丞宏簡宋初遷刑部尚書建

隆三年復轉戶部尚書致仕宏簡乾德二年卒年五十七子定雍

熙二年進士及第宋史

馬全義幽州薊人十餘歲學擊劍善騎射隸魏帥范延光帳下延

光叛晉祖征之以城降悉籍所部來上全義在籍中因補禁軍不

得志遁去李守貞鎮河中召置帳下宋史始守貞聞杜重威死而

懼陰有異志乃招納亡命養死士通鑑二百一及守貞叛宋史郭威

督諸將圍守貞於河中通鑑七十一發諸州民夫二萬餘人剗長壕築

連城偃旗卧鼓番步卒以守之

通鑑

全義每率敢死士夜出攻周祖

壘多所殺傷守貞貪而無謀

宋史列傳

屢出兵欲突長圍皆敗而返

通鑑

性又忌克全義屢爲畫策皆不能用城陷遂變姓名亡命周廣順

初世宗鎮澶州全義往事之從世宗入朝

案通鑑

作故李守貞騎士馬全入從榮入朝全

又本名全義當是避宋太宗諱改義作义耳

周祖召見補殿前指揮使

宋史列傳

謂左右曰

全義忠於所事昔在河中屢挫吾軍汝輩宜效之

通鑑

世宗卽位

遷右番行省從世宗戰高平

宋史列傳

言於世宗曰賊勢極矣將爲我

擒願陛下按輿勿動徐觀諸將破之卽引數百騎進陷陣北漢兵

大敗

通鑑

以功遷散員指揮使從攻淮南以功遷殿前指揮使右番

都虞侯恭帝卽位授鐵騎左第二軍都校領播州刺史

宋史列傳

宋初

歷內殿直都知控鶴左廂都校領果州團練使

宏簡錄

一

從征李

筠

宋史列傳

太祖自帥大眾與石守信等會大敗筠眾於澤州南筠走

保澤州列柵圍之

通鑑輯覽

城小而固攻之未下召全義賜食御榻前

問計對曰筠守孤城若併力急攻立可殄滅儻緩之適足長其姦

耳太祖曰此吾心也卽麾兵急擊之

宋史列傳

全義率敢死士數十人

攀堞而上

通鑑輯覽

爲飛矢貫背流血蔽體全義拔鏃臨敵士益奮

宋史

列遂入其城筠赴火死

通鑑輯覽

遷虎捷左廂都校領睦州防禦使又

從征李重進領控鶴虎捷兩軍爲後殿

宋史列傳

力戰有功累改龍捷

左廂都校江州防禦使

宏簡錄

俄被疾太祖遣太醫診視仍諭密旨

曰俟疾閒當授以河陽節制全義疾已亟但叩頭謝數日卒年三

十八特贈檢校太保大同軍節度使子知節

宋史列傳

知節字子元七歲父卒太祖軫念曰眞羽林孤兒也召入內送國

子監賜今名

玉壺清話一

太宗時以蔭補供奉官年十八監彭州軍以

嚴泣眾憚之如老将

宋史列傳

又監潭州軍募何承矩以文雅飾吏治

因折節讀書

宏簡錄一百十七

雍熙間護兵博州契丹入邊

宋史列傳

知節完

城繕甲儲積芻粟

宏簡錄

契丹聞其有備輒引去徒知定遠軍

宋史列傳

儲峙多陳時議調河南十三州轉他粟以餉軍適轉運使樊知古

至知節謀曰軍少粟多汰其紅腐尙當得十之六七知古從之

宏簡錄

果獲粟五十萬斛分給諸屯遂省河南之役

宋史列傳

寇至部民入

保卒有盜民婦首飾者

宏簡錄

護軍止笞遣之知節曰民避外患而

來反罹內寇此而可恕何以肅下卽命斬之

宋史列傳

改知深慶二州

遷西京作坊使移梓州王繼恩討李順專權自恣

宏簡錄

惡知節不

附己

宋史列傳

盡收其軍使守彭州付羸卒三百

宏簡錄

知節累請益兵

不從賊眾十萬攻城自晨抵晡士多死

宋史列傳

乃橫槊潰圍出招援

兵鼓譟復入賊遂潰去太宗聞而壯之

宏簡錄

授益州鈐轄加益漢

九州都巡檢使

宏簡錄

會韓景祐帳下劉盱脅牙兵爲亂連下州縣



眾踰二千

宋史列傳

知節引三百騎捕之，旣走邛州，知節乘勝急擊，行

次方井鎮，與旣遇，盡殲其眾。

宏簡錄

咸平初，領登州刺史，知秦州。

宋史列傳

悉還諸羌質子，羌人感服，訖終任，不敢犯塞。

宏簡錄

州有銀坑，歲

久，鑛竭，課額弗除，知節請蠲之，章三上，乃允。遷西上閣門使，兼本

路轉運使。自乾德後，歲漕蜀物，動踰萬計，時籍富民以部舟運，坐

沈覆破產者眾，知節請代督，以省校而程其漕事。自是蜀人賴以

免患。

宋史列傳

徙知延州，兼鄜州，駐泊兵馬，都總管羌人以兵闕邊，遇

上元節，遽命張鐙啟關，累夕宴會，寇不測，引去。徙鎮州。

宏簡錄

詔發

漕魏等六州糧輸定武，時兵交境上。

宋史列傳

知節曰：「發糧適資盜耳。」

止令於舟車所至收之，寇無所得，遁去。車駕在澶淵，王超擁兵數

萬屯真定，以中渡無橋爲辭，逗留不進。知節移書諭，讓且諭令度

材一夕而橋成，超兵始出。

宏簡錄

景德中，徙知定州，拜東上閣門使。

宋史列傳大中祥符五年九月以王欽若爲樞密使知節爲樞密副使

時天下久安王欽若眷遇日隆

通鑑輯覽七十三

知節嘗斥其姦狀

宋史王欽

若傳欽若每奏事必懷數奏但出一二匿其餘退則以己意稱上旨

行之知節嘗於帝前願欽若曰懷中奏何不盡出之嘗與欽若爭

論上前退見王且辭色猶怒甚曰知節幾欲以笏擊死之但恐驚

君相耳

通鑑

當是時大臣方言符瑞而知節每不然之嘗言天下

雖安不可忘戰自陳年齒未衰尙可驅策如邊方有警願預其行

上以爲然因命製銅鐵鎖子甲以賜焉

宋史

列傳七年出爲潁州防禦

使知潞州復移天雄軍以疾乞罷除彰德軍留後知貝州卒於相

州年六十五贈侍中諡正惠

宏簡

知節將家子

宋史

列傳慷慨以方略

自任所與善必一時豪傑性剛直敢言不肯稍有卑屈天下稱其

直

通鑑

東封後上每巡幸必命爲都部署許以專殺部分嚴明未

嘗輒戮一人

宋史列傳

寶儀字可象薊州漁陽人曾祖遜玉田令祖思恭媯州司馬父禹

鈞與兄禹錫皆以詞學名禹鈞唐天祐末起家幽州掾

宋史寶儀傳爲

左諫議大夫致仕

范文正公寶諫議事跡記

生五子儀儼侃傳等相繼登科時

號寶氏五龍

玉壺清話

儀年十五能屬文及長學問該博風度峻整

宏簡錄一 天福中舉進士景延廣爲侍衛軍帥以儀爲記室延廣

歷滑陝孟鄆四鎮儀皆在幕府

東都事略

三十開運中楊光遠以青州叛

時契丹南侵博州刺史周儒以城降儀謂執政曰國家若不以良

將重兵控博州渡必恐儒引契丹踰東岸與光遠兵合則河南危

矣俄而儒果引契丹渡河增置壘柵

宋史列傳

漢初召爲左補闕禮部

員外郎周廣順初知制誥遷翰林學士禮部郎權知貢舉尋以父

病乞解官

宏簡錄

世宗親加慰撫手封金丹俾賜其父父卒歸葬洛

陽終喪拜端明殿學士從征河南判行在三司恭帝卽位遷兵部

侍郎使南唐既至將宣詔會雨雪李景請於廡下拜受儀曰將國

命不敢失舊禮儻以沾服失容請俟他日景卽拜命于庭

宋史列傳

初遷工部尙書兼判大理奉詔同修刑統

宏簡錄

儀言周刑統科條

繁浩或有未明請別加詳定凡削出令式宣勅一百九條增入制

敕十五條又錄律內餘條准此者凡四十四條附於各例之次並

目錄成三十卷取舊削去格合宣勅及後來續降者凡一百六十

條爲編勅四卷

玉海

判太常寺議立四親廟

通鑑輯覽七十一

會翰林學士

王著以酒失免官

宋史列傳

太祖謂宰相曰深嚴之地當以宿儒處之

范質曰寶儀清介重厚然已自翰林遷端明矣太祖曰禁中非此

人不可卿當諭以朕意卽日再入翰林爲學士

東都事略

太祖初有事

於太社時國中墜典

中一作初

多或未修太社祝文亦亡舊式詔詞臣

各撰一文謄錄糊名以進上覽之謂左右曰皆輕重失中獨御書  
親點一文曰惟此庶乎得體閱視之乃儀撰者

玉壺清話一

乾德二年

范質等三相同罷命趙普爲同平章事上問質等既罷普勅執當

署陶穀建議今尙書乃南省六官之長當署勅儀曰穀所陳非承

平之策皇帝開封尹同平章事

宏簡錄

卽宰相之任也太祖曰儀言

是東都事略嘗召儀草制至苑門見宋主岸幘跣足而坐卻立不肯進

曰陛下創業垂統不以禮示天下恐豪傑聞而解體宋主歛容謝

之通鑑

初周祖平兗州議將盡誅脅從者儀白馮道范質同請於

周祖皆得全活顯德中太祖克滁州世祖遣儀籍其府庫太祖復

令親吏取藏中絹給麾下儀曰太尉初下城雖傾藏以給軍士誰

敢言者今旣著籍乃公帑物也非詔不可取後太祖屢對大臣稱

儀有執守

宋史列傳

乾德改元帝命宰相擇前代未有者至三年平蜀

見入內宮人鏡背有乾德四年字問廷臣無知者

宏簡錄

召儀問之

儀對曰此必蜀物蜀主王衍嘗有此號

通鑑

帝大喜曰宰相須用

讀書人

宏簡錄

由是益重儒者每對大臣言欲用儀爲相趙普忌其

剛直

通鑑

陶穀在翰林與儀不協儀有公望慮其軋已嘗附普與

趙逢高錫輩共排儀儀終不至相位

宋史陶穀傳

及儀卒太祖悶然謂

左右曰天何奪我寶儀之速耶蓋惜其未大用也

宋史

列傳卒年三十

三贈右僕射

宏簡錄

儼字望之

宋史寶儼傳

儀之仲弟也

翰苑

舉進士爲天平軍掌書記拜左

拾遺

東都

開運中諸鎮恣用酷刑儼上疏曰案名例律死刑二絞

斬之謂也大辟之目不出兩端淫刑之興近聞數等蓋緣外地不

守通規或以長釘貫人手足或以短刀斲人肌膚遷延信宿不令

就死冤聲上達和氣有傷望加禁止上從之儼仕漢爲史館修撰

宋史列傳周廣順初遷右補闕與賈緯王仲同修晉祖少帝漢祖三朝

實錄改主客員外郎知制誥俄除金部郎中拜中書舍人

宏簡錄一百二

十四時儀自閣下入翰林兄弟同日拜命分居兩制時人榮之

宋史列傳

周世宗顯德五年冬將立歲仗前一日親至於樂懸之下問雅音

於工師皆不能答因令儼知太常卿事與樞使王朴同詳定之乃

用古累黍之法以審其度造成律准其形如琴而巨凡十三弦以

定六律六呂旋相爲宮之義世宗善之

翰苑羣書

時世宗方切於治道

宋史列傳儼上疏請令有司討論禮儀考正鐘律作通禮正樂又論政

刑及勸農經武之要

通鑑輯覽

世宗多見聽納

宋史列傳

又以國家之方守

穀帛而已二者不出於國而出於民其道在天其利在地得其理

者蕃阜失其理者耗盡民之顛蒙宜有勸教請於齊民要術及四

時纂要韋氏月錄中采其關於田蠶園圃之事集爲一卷鑲版頒

行使之流布疏奏不報

宋史列傳

世宗觀大水泗州記以問儼儼以爲

天地有五德曰潤曰暎曰生日成曰動五德陰陽之使陰陽水火

之木陰陽有常數水火有常分奇耦相半盈虛有準謂之通證羨

備過亢極無不至謂之咎證陰之始主於潤水之行紀於九六凡

千七百二十有八歲爲浩浩之會雖堯舜在上不能免者數也若

夫辟狂臣專父昏不明苦雨數至水不潤下乃政之所致非數也

唐貞元壬申之水是已世宗甚善之拜翰林學士

東都事略

宋史作加集賢

殿學士判院事父崇翰苑羣書學士年表云正月自翰林學士中書舍人遷禮部侍郎六月卒

宋初轉禮部侍郎

嘗與儀連翩知貢舉直內署時比之二陸焉

翰苑羣書

當是時祀事樂

章宗廟諡號多儼撰定議者服其該博

宋史列傳

年四十二以疾卒儼

負俊才對景覽古皆形諷誦與儀更迭唱和多至三百篇恆以道

義相敦厲性復夷曠好賢樂善優游策府凡十餘年撰周正樂成



一百二十卷藏於史閣有文集七十卷

宏簡錄

顯德中奉使荆南荆

南自唐季以來高氏據有其地雖名藩臣車服多僭侈踰制以至

司賓賤隸候館小胥皆盛服影纓與王人抗禮儼諷以天子在上

諸侯當各守法度悉令去之然後宣達君命

宋史列傳

太宗嘗晚坐崇

政殿召儼對上時燕服儼至屏間見之不進中使促不應上訝其

久不出笑曰豎儒以我燕服爾遽命袍帶儼遂趨出

王文正筆錄

尤善

推步星厯逆知吉凶

宏簡錄

與盧多遜楊徽之同在諫垣預謂二公

曰丁卯歲五星當聯珠於奎奎主文又在魯分自此天下始大平

二拾遺必見之老夫不與也果在乾德丁卯歲五星連珠於奎太

宗鎮兗海其明博如此

玉壺清話二

又言儼家昆弟五人皆登進士第

可謂極盛然無及輔相者惟偶稍近之亦不久居位卒如其言

宏簡

錄

僞字日章

宋史列傳

儀之弟也

續資治通鑑

周廣順初

宋史列傳

舉進士

東都事略

三補單州軍事判官遷秘書郎

宏簡錄一百二十四

一出爲絳州防禦判官

宋史

列宋初歷武甯軍掌書記西京留守天雄歸德軍節度判官

宏簡錄

開寶六年拜右補闕知宋州嘗作遂命賦以自悼

宋史列傳

太宗領開

封尹以僞爲判官賈玟爲推官

東都事略

賈能先意希旨僞嘗疾之帝

與諸王燕射賈侍帝側稱贊德美詞多矯誕僞叱之曰賈氏子巧

言令色豈不愧於心哉坐皆失色帝亦爲之不樂因罷會

續資治通鑑

白太祖黜爲彰義軍節度判官

東都事略

太平興國五年車駕幸大名

府

宋史列傳

案東都事略作太平興國四年太宗幸大

帝思見

僞促召至行在

續資治通鑑

拜比部郎中

宏簡錄

時方議北征僞因抗疏

請還都休士養馬徐爲後圖帝悅其言

續資治通鑑

歸以僞爲樞密直

學士賜第一區六年遷左諫議大夫充職

宋史列傳

七年拜參知政事

宏簡 帝謂偁曰汝自揣何以至此偁曰陛下念藩邸之舊臣出於

錄 際會帝曰非也乃汝嘗面賈賈政賞卿之直爾續資治通鑑是秋卒駕

臨哭贈工部尚書明日太宗宴會羣臣以偁喪故罷偁嘗與丁顥

同幕宋史作同官顥子謂尚幼偁見之曰此子後必以文致遠卽以子

妻之後果至宰相東都事略太祖嘗謂宰相曰近朝卿士寶儀質重嚴

質有家法閨門雍睦人無譎語諸弟不能及偁亦中人材爾偁有

操尚可嘉也宋史列傳

張蕤英涿州范陽人自言唐相嘉貞之後宋史列傳唐末舉族爲賊孫

居道所害蕤英年十七僅以身免一統志後逢居道於幽州市引佩

刀刺之不死爲吏所執節帥趙德鈞壯之釋而不問以補牙職宋史

列傳聞居道遁關南求爲都巡使至則微服攜鐵搗潛匿舍側伺居

道出擊仆於地先齧其耳噉之擒以歸設父母位縛居道筵前號

泣報之壽其肉三日刻心以祭徐詣官首服詔免死燕薊間目爲

報警張孝子契丹聞其名宏簡錄一百五十七用爲盧臺軍使兼權鹽制鹽

使領坊州刺史周廣順三年率內外親屬並部兵千餘人及煮鹽

戶長幼七千餘口牛馬萬計舟數百艘泛海至滄州宋史列傳刺史李

暉以聞周祖頗疑之令館於封禪寺賜襲衣銀帶錢絹銀器鞍勒

馬世宗卽位授德州刺史召對便殿詢以備邊之策請於深州李

晏口置砦誘境上亡命以隸軍願爲主將得便宜討擊世宗悉從

之宋史列傳除緣邊招收都指揮使賜名馬金帶令募勁兵數千築城

李晏口宏簡錄會鳳翔節度王彥超巡邊爲契丹所圍藏英率新募

兵馳往擊之契丹解去改濮州刺史仍領邊任契丹將高牟翰以

精騎數千擾邊藏英逆擊於胡盧河自旦至晡殺傷甚眾後領兵

巡樂壽契丹驍將姚內斌偵知藏英兵少以精騎二千陣於縣之

北藏英率麾下擊之士皆殊死戰內斌遂解去世宗降璽書褒美

宋史列傳從世宗征契丹涑水記聞爲先鋒都指揮使宋史列傳藏英請不用兵

先往設下瓦橋關乃單騎往城下呼曰汝識我乎我張盧臺也因

陳世宗威德曰非汝敵也不下且見屠藏英素爲燕人所信重契

丹遂自北門遁去城人開門降涑水記聞敗契丹騎數百於關北下固

安縣又改關南排陣使宋初遷瀛州團練使并獲闕南軍宋史列傳建

隆三年卒於治所年六十九宏簡錄孫鑑宋史列傳

鑑字德明幼嗜學宏簡錄一入衛州霖落山肄業凡十餘年太平

興國三年擢進士第宋史列傳官大理評事監秦州柴城榷務升右贊

善大夫知婺州遷著作郎監察御史宏簡錄奉詔決獄江左頗雪冤

滯歷殿中侍御史宋史列傳太宗討幽州鑑極言不可時以燕人沮議

非之後果驗命掌左藏判三司度支請併三部憑由備欠爲一從

之李惟清薦其能擢江南轉運使

宏簡錄

本部有大姓爲患者鑑以

名聞太宗盡令部送魁首及妻子赴闕以三班職名孺糜之江左

震肅又建議割瑞州清江吉州新淦袁州新喻三縣置臨江軍時

以爲便

宋史列傳

召遷特被慰獎累遷樞密直學士掌三班詔磨勘供

奉官以下校其殿最以爲沮勸會三司奏分左右計鑑以爲非便

尋詔復舊

宏簡錄

許讓知益州歸首奏乞爲劍外之備旣而李順果

叛朝廷遣王繼恩討之旣平除張詠知益州繼恩等素失督御之

略師旅驕很詠密奏乞命近臣分屯師旅以殺其勢朝廷命鑑往

按

玉壺清話張鑑吳本作張鑑考宋史及宏簡錄皆張鑑事今從之

上召對後苑鑑奏曰成都新

復軍旅未和聞使命遽至貿易戎伍慮有猜懼變生不測乞假臣

一安撫之命臣至彼自措置上嘉納

玉壺清話

至卽遣戍卒出境令麾

下使臣東還督繼恩分捕殘寇招輯反側事平拜左諫議大夫久

之五路進兵討西夏

宏簡錄

令鑑乘傳往環州與李繼隆議護送芻

糧入靈州尋詔以軍興法從事饋運頗集

宋史列傳

還言關輔民窮力

盡靈州僻居絕塞實中夏蠹區願陛下以賜繼遷稍息飛輓之苦

無使重勞

宏簡錄

眞宗卽位遷給事中咸平初改工部侍郎出知廣

州二年民條其政績上請刻石三年移知朗州溪洞羣居蠻數寇

擾鑑召豪酋諭以威信皆俯伏聽命

宋史列傳

徙相州有芝草生於監

牧之室鑑表其祥以爲河朔弭兵欵附之兆優詔答之

宏簡錄

景德

初卒年五十八

宋史列傳

李瓊字子玉幽州人祖傳正涿州刺史父英涿州從事

宋史列傳

瓊少

好學涉獵史傳杖策走太原欲干唐莊宗會募勇士

通鑑補一百九十三卽

應募與周祖等十人約爲兄弟

宋史列傳

各刺臂出血誓曰凡我十人

龍蛇混合異日富貴幸無相忘瓊心知周祖非常人情好尤密

宏簡

錄一百一十一日過瓊見其危坐讀書因問所讀何書瓊曰此闕外春

秋所謂以正守國以奇用兵較存亡治亂記賢愚成敗皆在此也

周祖令讀之謂瓊曰兄當教我自是周祖出入皆袖以自隨遇暇

輒讀讀輒問瓊稱爲師及討河中乃脫瓊兵籍令叅軍事守貞之

滅瓊有功焉通鑑補事平宏簡錄表於朝授朝散大夫大理司直宋史列傳

晟中遷太子洗馬宏簡錄周祖鎮鄴表爲大名少尹廣順初拜將作

監充內作坊使賜金紫連知亳陝二州改濟州刺史宋史列傳世宗初

遷洛州團練安州防禦使治郡尙寬簡宏簡錄民請立碑頌德詔中

書舍人竇儀撰文賜之宋史列傳宋初召爲太子賓客建隆三年上章

請老改右驍衛上將軍致仕宏簡錄瓊信釋氏明年四月八日詣佛

寺遇疾歸至暮卒年七十三贈太子少師宋史列傳

劇可久字尙賢涿州范陽人沈毅方正明律令與馮道趙鳳爲友



宋史列傳後唐同光初補徐州司法以幹職聞由大理評事遷寺正仕

晉歷殿中少監太子右諭德大理少卿賜金紫宏簡錄一百二十七晉祖崩

可久方在病告有司糾以不赴國哀坐免未幾復官遷大理卿周

廣順初改太僕卿復為大理卿會鄭州民李思美妻詣御史臺訴

夫私鬻鹽罪不至死判官楊瑛實以大辟有司攝治瑛瑛具伏可

久斷瑛失入減三等徒之半年王峻欲殺瑛召可久謂之曰死者

不可復生瑛枉殺人其可恕耶可久執議益堅瑛得免死宋史周列傳

主親錄囚於內苑有汝州民為吏所寃屢經覆按不能自伸周主

臨問始得其實由是諸長吏無不親察獄訟通鑑補詔以律令文古

難知勅格煩雜不一通鑑輯覽以朝廷所用律疏三十卷式二十卷令

三卷開成格十卷大中統類一十二卷後唐以來至漢末編勅三

十二卷命可久及御史張滉率汀郎中鄧守中王瑩賈玘博士趙

礪李光贊大理正蘇曉中允王伸編集新格勅成部帙宏簡錄於是

中書門下奏曰伏以刑法者御人之銜勒救弊之斧斤有國家者不可一日而廢也雖堯舜之世亦不能捨此而致治今奉制旨刪

定律令有以見明罰勅法之意也竊以朝廷之所用者律令則文辭古質或難以詳明格勅則條目繁多或有所疑誤將救舞文之

弊宜伸畫一之規所冀民不陷刑吏有所守臣等商議律令之有

難解者就文訓釋格勅之有繁雜者隨事刪削其有矛盾相違輕

重失宜者盡從改正無或拘牽宋史列傳候畢日委御史臺尙書省四

品以上及南省五品以上官參詳可否送中書門下議定從之五

年書成凡三十卷名曰刑統頒之天下與律疏合式並行宏簡錄在

廷尉四十年用法平允以仁恕稱建隆三年改光祿卿致仕卒涿

吳志案州志云可久仕周爲右庶子與侍御史考宋史顯德三年所舉官犯賊可久坐停任明年復起爲右庶子並不載爲侍御史

宏簡錄亦不載  
疑係州志之誤  
年七十七  
宋史列傳

李懷忠涿州范陽人初名懷義太祖掌禁兵時隸帳下爲散都頭

累遷殿前都指揮使都虞侯領開州刺史  
宋史列傳乾德中授東西班

都指揮從征晉陽  
宏簡錄一城未下  
東都事略二十八契丹復遣南面大

王者將兵引北漢軍會暑雨軍士多疾  
宋史紀事本末太祖深恤士卒欲

班師懷忠言曰賊嬰城自守度其內無儲侍豈足久抗王師  
東都事略

若選勁兵急攻破在旦夕  
宋史紀事本末臣願奮銳爲士卒先  
宋史列傳

作都虞侯趙廷翰帝壯之俾率眾攻城戰不利懷忠中流矢幾死  
宋史紀事本末還授散指揮富州團練使歷日騎左右廂都指揮使  
宏簡錄

太祖幸西京  
東都事略愛其形勢得天下中有留都意  
宏簡錄懷忠乘間

言曰汴都歲漕江淮米四五百萬斛贍軍數十萬計帑藏重兵在

焉  
東都事略根本安固已久一旦遽欲遷徙臣實未見其利太宗卽位

焉

改領本州防禦使稍遷侍衛步軍都虞侯宋史領大同軍節度使

三年改步軍都指揮使宏簡錄五月卒贈侍中宋史

田重建幽州人案玉壺清話形質奇偉有武力周顯德中應募爲

卒隸太祖麾下宋史田重進傳陳橋還遷御馬軍使積功至襄州刺史宏簡

錄一百二十三太平興國四年從征太原還錄功擢爲天德軍節度使六

年改侍衛步軍指揮使八年改領靜難軍節度使宋史九年河大

決滑州之韓村泛澶濮曹濟諸州壞民田廬帝曰韓村堤久不成

通鑑安可重困吾民當以諸軍代之乃發卒五萬以重進領其役

通鑑紀事本末河遂塞雍熙中宋史賀懷浦將兵屯三交與其子合圖上

言契丹主少母后專政寵倖用事請乘其釁以取燕薊帝信之以

曹彬爲幽州道行營都部署重進爲定州路都部署出飛狐契丹

西南面招討使大鵬翼率眾來拒重進命部將荆嗣以五百騎禦

之契丹兵二萬力不敵時譚廷美屯小沼嗣請廷美列隊平州別

遣二百人執白幟於道側嗣以所部疾驅往鬪契丹兵見旗幟綿

亘疑大軍繼至欲遁去重進乘之契丹兵奔潰生擒大鵬翼飛狐

靈邱皆降

通鑑輯覽 案宋史云用袁繼志計伏兵飛狐南口擒契丹騎將大鵬翼及其監軍馬贊副將何萬通并渤海

軍三千餘人斬首數千級俘獲以萬計逐北四十里宏簡錄云以其縣爲飛狐軍均與此所載互異進攻蔚州其牙

校李存璋等殺首帥蕭嘜埋執耿紹忠率吏民來附會曹彬之師

不利乃命重進董師駐定州

宋史列傳

遷駐泊兵馬都部署明年率師

入遼境攻下岐溝關殺守城兵千餘及獲牛馬輜重以還

宏簡錄以

功改彰信軍節度使徙鎮成德永興改知延州復還鎮卒年六十

九贈侍中重進樸愿不知書太宗在藩邸愛其忠勇嘗遣以酒炙

不受

東都事略

使者曰此晉王所賜也重進曰爲我謝晉王我知有天

子爾卒不受太宗嘉之既卽位謂其無私交故始終委遇焉

東都事略

後鄭文寶出漕陝右上屬曰田某先朝宿將勇毅宣力卿爲朕善

待之

王壺清  
誥七

呂餘慶幽州安次人名犯太祖諱遂以字稱焉

東都事  
略三十

祖充父琦

自有傳餘慶以蔭補千牛備身歷開封府參軍遷戶曹掾

宋史  
列傳晉

少帝弟重睿領忠武節度以爲推官仕漢漢州錄事參軍顯德中

太祖領同州節制聞其材奏爲從事

宏簡錄  
九十九

世宗問曰得非嘗爲

濮州糾曹者乎卽以爲定國軍掌書記世宗嘗鎮澶淵漢爲屬郡

故知其爲人也

宋史  
列傳

太祖歷滑許宋三鎮並在幕府

案宋史作太  
宗歷滑許宋

二鎮疑誤宏簡錄  
亦作太祖今從之

及卽位召拜給事中端明殿學士

東都  
事略琦於清

泰中亦居是職官秩皆同時人榮之未幾知開封府太祖征潞及

揚並領上都副留守建隆三年遷戶部侍郎

宋史  
列傳

母憂服除當判

湖平出知潭與襄州

宏簡  
錄

遷兵部侍郎知江陵府

宋史  
列傳

乾德二年

乙丑始置參知政事

宋太祖紀

宋主以趙普獨相欲置副而難其名稱

問翰林承旨陶穀曰下宰相一等有何官對曰唐有參知政事乃

以餘慶以本官參知政事

通鑑輯覽

蜀平知成都府以知政莅藩自餘

慶始也

東都事略

時盜賊四起軍士恃功驕恣大將王全斌等不能戢

下有軍士醉酒持刀奪賈人物餘慶立捕之以徇軍中畏伏民用

安堵

宋史列傳

就加吏部侍郎兼劍南荆南諸道都提舉三司水陸發

運使

宏簡錄

開寶六年與宰相更知政事印

宋史列傳

初靈德驥之貶商

州也知州奚嶼希趙普意奏德驥怨望坐削籍流靈武其子有鄰

意普害之擊登聞鼓訴中書不法事宋主怒悉下御史獄鞠實始

疑普詔餘慶與普更知印押班奏事以分其權

通鑑輯覽

旋以疾上表

求解機務拜尙書左丞九年卒

宋史列傳

年五十八

按宋史宏簡錄皆作卒年五十贈

鎮南軍節度使餘慶厚重有守所至以寬簡治

東都事略

自太祖繼領

藩鎮餘慶爲元僚及受禪趙普李處耘皆先進用宋史列傳餘慶畧不

介意東都略未幾處耘黜守淄州餘慶自江陵還太祖問處耘事餘

慶以理辨釋上以爲實宋史列傳餘慶知政事時會普忤旨左右爭傾

之東都略餘慶獨辨明之太祖意稍解時稱其長者至道中以弟端

爲宰相特詔贈侍中宋史列傳

端字易直以蔭補千牛備身仕周爲直史館歸宋青箱雜記遷太常卿

知浚儀縣同判定州開寶中假太常少卿副郝崇信使契丹太宗

改司門員外郎宏簡錄知成都府爲政清簡遠人便之宋史列傳秦王

廷美尹京端充開封判官會征河東王當居守端曰主上櫛風沐

雨以申弔伐王地處親賢當表率扈從從之宏簡錄出知蔡州以善

政吏民列奏借留遷考功員外郎兼侍御史使高麗暴風折檣舟

人怖恐端讀書若在齋閣時宋史列傳遷遷戶部郎中兼判禮院俄拜



右諫議大夫許王元禧尹開封又爲判官王薨坐神贊無狀左遷

衛尉少卿會置考課院凡引對負譴寘散秩者皆涕泣爲請端直

陳無屈上知其無他命復舊錄逾月拜參知政事時趙曾在中

書嘗曰吾觀呂公奏事得嘉賞未嘗喜遇抑挫未嘗懼亦不形於

言眞臺輔之器也宋史列傳至道元年夏四月以端同平章事續通鑑或

曰端爲人糊塗帝曰端小事糊塗大事不糊塗端持重識大體慮

與寇準同列而已先正台揆恐準不平乃請參知政事與宰相同

升政事堂通鑑輯覽七十三時同列奏對多有異議惟端罕所建明一日

內出手札戒諭自今中書事必經呂端詳酌乃得聞奏端愈謙讓

不自當宋史列傳李繼遷擾西鄙名臣言行錄曹璨自河西還言繼遷衆萬

餘方圍靈武城中告急端請發兵出麟府鄜延環慶三道以搏平

夏襲其巢穴則靈武之圍解通鑑輯覽保安軍奏獲繼遷母宏簡錄帝獨

與樞密副使寇準謀準欲斬於保安軍北門外以戒凶逆端曰必若此非計之得也遂覆奏曰昔項羽得太公欲烹之高祖曰願分我一杯羹夫舉大事不顧其親况繼遷悖逆之人乎陛下今日殺之明日繼遷可擒乎若其不然徒結怨讐愈堅其叛心耳以臣之愚宜置於延州使善養事之以招來繼遷雖不能即降亦可以繫其心而母死生之命在我矣

名臣言行錄

上撫髀稱善即用其策曰微

卿幾誤大事母後病死繼遷子竟納款請命皆端力也

宏簡錄

進門

下侍郎兼兵部尚書太宗不豫眞宗爲皇太子端日與太子問起

居

宋史列傳

宣政使王繼恩忌太子英明陰與參知政事李昌齡知制

誥胡旦等謀立楚王元佐及帝崩皇后令繼恩召端端知有變即

結繼恩入書閣鎖閉之亟入宮

通鑑輯覽

后問所應立端曰先帝建儲

正爲今日今始棄天下豈可遽違命有異議耶

宏簡錄

乃奉太子至

福甯殿卽位垂簾引見羣臣端平立殿下不拜請捲簾升殿審視  
然後降階率羣臣拜焉

宋史紀事本末

貶昌齡忠武軍司馬繼恩均州安

置旦除名流潯州眞宗每見輔臣入對惟於端肅然拱揖不以名

呼

宋史列傳

又以端軀體洪大宮廷陸峻特令梓人爲納陛以目疾求

解政柄授武信軍節度使卒年六十六贈司空謚正惠

通鑑輯覽

端有

器量厚多恕屢經擯退未嘗以得喪介懷善與人交輕財好施未

嘗問家事

名臣言行錄

李惟清自樞密改中丞意端抑之構人訟堂吏

過失欲以中端端曰吾直道而行何所愧畏耶同郡趙玉常脫端

父於難端感其恩視玉孫紹宗如己子

宏簡錄

表薦賜出身馮道鄉

里世舊子正之病廢端分俸給之端兩使絕域其國歎重之後有

使往者每問端爲宰相否其名顯如此

宋史列傳

子荀藩蔚貧匿又迫

婚嫁因質其居第眞宗出內府錢五百萬贖還之又別賜金帛俾

償宿負遣使檢校家事

名臣言行錄

藩荀皆至國子博士蔚至太子中

舍

宋史列傳 案宏簡錄作子西人藩荀蔚漢藩太子中舍荀大理評事蔚干牛備身藹殿中省與此互異

劉載字德與涿州范陽人

宋史列傳

六世祖濟唐盧龍節度父昭下蔡

令載清泰中舉進士晉初歷校書郎著作佐郎賜緋由左拾遺拜

集賢殿直學士漢初爲殿中丞侍御史

宏簡錄一百五十七

丁內艱服闋復

拜舊官判西京留臺改倉部員外郎嘗著五論曰爲君爲相爲將

去讒納諫爲文士所稱世宗初擢知制誥

宋史列傳

顯德三年拜右諫

議大夫興拾遺鄭起博士李甯同校道書

宏簡錄

世宗末年

通鑑紀事本末

留心農事

通鑑輯覽七十一

嘗命官詣諸州度民田

通鑑紀事本末

遷給事中使

許州定田租俄賜金紫爲魏王符彥卿加恩國信使

宋史列傳

宋初命

載護役

宏簡錄

濟五丈渠

續資治通鑑五丈河畢沅續通鑑

案宋史及宏簡錄皆作通

載護役

東方之漕

續資治通鑑

建隆四年貝州節度使張光翰來朝遣載權知

州事光翰歸鎮載還知貢舉乾德初掌建安權貨物宋史六年為

江南國主生辰使召還知鎮州坐與何繼筠不協改山南東道行

軍司馬十年不召嘗受詔權點檢州事宏簡錄太平興國初復入為

給事中三年出知襄州六年代還告老宋史列傳改工部侍郎致仕卒

年七十一平生敦尚名節好學博通史傳善屬文嘗受詔撰明憲

皇后謚冊文又作弔戰國賦萬餘言行世子宗言賜出身至比部

郎中宏簡錄宗望景德二年進士及第祥符四年其孫介以載文集

來獻以為試將作主簿宋史列傳

扈蒙字日用幽州安次人宋史列傳曾祖洋涿州別駕祖智周盧龍軍

節度推官父曾內園使宏簡錄一百二十四蒙少能文晉天福中舉進士入

漢為鄆縣主簿宋史列傳郭從義討趙思綰命郡縣吏皆戎服見獨蒙

衣冠褒博舉止舒緩從義訝之運使李穀言蒙文學名流遂不之

問去簡錄周廣順中從歸德軍節度趙暉爲掌書記召爲右拾遺直

史館知制誥蒙從弟載時爲翰林學士兄弟並掌內外制時號二

扈宋史列傳宋初由中書舍人遷翰林學士宋史列傳坐詩託於同年仇華

黜爲太子左贊善大夫宋史列傳遷左補闕掌大名市征建隆六年復

知制誥充史館修撰開寶中與李穆等同修五代史詳定古今本

草連知貢舉上書言昔唐文宗每召大臣問事必命起居人及舍

人執筆立於殿側以紀時政故文宗實錄稍爲詳備至後唐明宗

亦命端明樞密學士等輪修日歷送史官宋史列傳近來此事都廢每

季雖有內殿日歷樞密院錄送史館然所記者不過臣下對見辭

謝而已帝王言動莫得而書緣宰相以漏泄爲虞味於宣播史官

疏遠何得與聞宋史列傳凡自今凡有裁制之官優恤之言發自宸衷

可書簡策者並委宰臣參政每月輪知鈔錄以備史官撰集從之

宏簡錄 乾德九年正月乾元殿受降王朝蒙參定其議有李朴請誅

之制甚繁具本文蒙繼上聖功頌次年將東封又進御劄草上愛

之批於紙尾獎之云聖功頌及此文無一字可議玉壺清話七 爲盧多

遜所惡出知江陵府太宗卽位召拜中書舍人宋史列傳復翰林學士

與李昉同修太祖實錄宏簡錄後應制後苑詩有微臣自愧頭如雪

也向鈞天侍玉皇上和以賜玉壺清話太平興國四年從征太原還遷

戶部侍郎加丞旨宋史列傳雍熙三年被病以工部尙書致仕卒年七

十二贈右僕射爲人性沈厚不言人是非好釋典不喜殺宏簡錄摺

紳稱善人有笑疾雖上前不自禁宋史列傳自張昭寶儀後典章儀注

皆所刊定然南郊定議後復以宣祖配天爲識者所非宏簡錄著述

有鷺山集二十卷行於世宋史列傳

張佖初名志言字仲雅宏簡錄一燕人叢輔唐志七十一案宋

百六十一史作本燕人後徙華州渭

南父昉有史才，歷知雜御史、省郎、至殿中少監。宏簡錄 佶少有志節。

涉獵書史，善騎射，有方略。唐志始用蔭補殿前承旨，以習儒業獻

文求試換國子監丞，遷著作佐郎、監三白渠，知涇陽縣。宋史列傳：端拱

初爲太子右贊善大夫，命案曹州民被誣殺人者，發奸摘伏，民冤

得雪。至道中，通判陝州，部送芻糧赴靈武，就改國子博士。宏簡錄 咸

平初擢爲陝西轉運副使，賜緋魚。至延安，遇夏人入寇，親督兵擊

敗之。三年，徙西川轉運副使，時詔討王均。宋史列傳：餽餉有勞，遷虔部

員外郎，賊平分川、陝，爲四路，授利州路轉運使，有薦其武幹者，召

還，授如京使，歷涇原、麟府、鈐轄，兼知鎮戎軍。宏簡錄 夏人來寇，佶率

兵與戰，親射殺酋帥，俘獲甚衆，詔書褒之，賜錦袍、金帶。宋史列傳：景德

中，徙益州鈐轄，領宜州刺史，遷文思使，御軍撫民，頗有威惠，蜀人

懷之。宏簡錄 大中祥符四年，車駕祀汾陰，以爲西京舊城，巡檢鈐轄



禮成加授北作坊使充趙德明官告使又爲鄜延鈐轄會秦州李  
洸暴卒上語近臣曰天水邊要宜速得人馬知節稱佶可任上然

之遂改麒麟使就命知秦州至州

宋史列傳

置大落門新砦先是佶欲

遂近渭置采木場蕃族聞之即徙帳去佶不能遂撫之戎人輒悔

因鄉導鈔劫佶深入掩擊悉敗走至是求和佶不許

宋史吐蕃傳

邊事

數擾朝廷始務甯遠以佶輕言易事徙邠甯路鈐轄

宋史列傳

天禧初

召爲契丹國信副使再遷西上關門使涇原鈐轄卒年六十九

宏簡

錄

高彥暉荊州漁陽人仕契丹爲瀛州守將世宗北征

宋史列傳

帥步騎

數萬直趨契丹之境

通鑑補二

御龍舟至益津關

通鑑補

登陸而

西至瓦橋關侍衛親軍都指揮使李重進等引兵繼至彥暉舉城

降

通鑑

遷耀階二州刺史

宋史列傳

宋師伐蜀爲歸州路先鋒都指揮

使宏簡錄

既而帝詔發蜀兵赴汴優給裝錢王全斌等擅減其數蜀

兵忿怨行至綿州遂作亂眾至十餘萬推文州刺史全師雄爲帥

通鑑紀事本末

崔彥進遣彥暉與田欽祚共討之至導江與賊遇宋史列傳賊

據要路設伏竹箐中官兵不利彥暉語欽祚曰日暮矣賊勢益張

請收兵詰朝與戰

宏簡錄

欽祚欲遁慮賊曳其後乃紿之曰公食厚

位遇賊畏縮何也

宋史列傳

彥暉亟揮兵進欽祚潛遁去彥暉獨與部

下十餘騎力戰皆死之時年七十彥暉老將練習邊事上問其沒

甚痛惜之命優卹賜其家粟帛

宏簡錄

張玉字寶臣保定人以六班散直隸狄青麾下

宋史列傳

夏元昊反宋史

狄青傳

築青澗招安峇遇夏兵三萬有馳鐵騎挑戰者

宋史列傳

玉獨身

持鐵簡出關取其首及馬回

宏簡錄一百十九

軍中因號曰張鐵簡以狀

聞仁宗曰眞勇將也以爲本路同巡檢

宋史列傳

皇祐四年廣源軍蠻

儂智高反

東都事略六十二

狄青夜度崑崙關

通鑑輯覽七十五

出歸仁鋪

東都事略

玉爲先鋒

續資治通鑑五十三

賊悉其衆列三銳陣以拒官軍執大盾標槍

衣絳衣望之如火及戰前軍稍卻

續資治通鑑

玉率右廂突騎橫貫賊

壘賊大潰

宋史列傳

斬首二千二百級智高縱火焚城而遁

東都事略廣南

悉平

通鑑輯覽

帝召見使作銳陣於殿廷下觀破賊之勢擢爲廣西鈐

轄徒大名進龍神四廂都指揮使爲副都總管

宋史列傳

夏人攻大順

城玉乘夜率兵三千擊之賊驚而去

宏簡錄

累遷昭州防禦使徙涇

原熙甯中慶州卒叛玉襲逐于石門卒窮蹙請降玉斬二百人坐

奪職降爲陵州團練使居數月復之

宋史列傳

王部開熙河轉宣州觀

察使

宏簡錄

爲副都總管河北置三十七將

技宏簡錄作二十七將

以玉爲第

一

宋史列傳

終馬步軍都虞侯贈建雄軍留後

宏簡錄

李洎頤字子修

香河劉志

按畿輔唐志

香河人知祥符縣

畿輔唐志

七十熙甯中青苗法行香河劉志以常平糴本作青苗錢散與人戶令

出息二分春散秋歛宋史王安石傳司農符檄日夜下青苗責保任追胥

苛切宋史安計息不及則黜降諸吏畏罪所散惟恐其少唐志奉

行之吏或迎合求進宋史安涇頤獨貸三之一唐志相怒遂通判

廣信軍香河劉志後官至刺史畿輔唐志案香河志論云涇頤香河

知縣陳美申請入祠豈昔曾流寓彼地耶今據畿輔志香河志立傳

張世傑范陽人宋史少從張柔成杞百九十坐法當死亡命南

奔隸淮兵中無所知名阮思聰見而奇之言之呂文德南宋文德

召爲小校累功至黃州武定諸軍都統制宋史攻安東州力戰與

高達援鄂有功轉十官宏簡尋從賈似道入黃州戰蘄草坪奪還

所俘遷環衛官宋史歷知高郵州安東州咸淳四年北兵築鹿門

堡宏簡呂文德請益兵於朝調世傑與夏貴赴之及呂文煥以襄

陽降命世傑守鄂州

南宋書

世傑將兵屯鄂鄂在漢北以石爲城新

郢城在漢南

續資治通鑑一百八十

世傑以鐵鉅鎖兩城

南宋書

密植椿木

中夾以礮弩凡要津皆施杙設守具元軍襲城世傑力戰元軍不

能前遣人招世傑不聽

續資治通鑑

伯顏陽攻嚴山監潛舟自唐港入

漢東

宏簡錄

攻鄂鄂降世傑提所部入衛時方危急徵諸將勤王多

不至獨世傑來上下歎異

南宋書

陳宜中疑世傑歸自元易其所部

軍

續資治通鑑

文天祥與世傑議以爲淮軍堅壁閩廣全城若與敵血

戰萬一得捷則命淮師以截其後國事猶可爲也

宋史紀事本末

世傑大

喜遂議出師

宋季三朝政要五

遣將取浙西諸郡復平江安吉廣德溧陽

諸城兵勢頗振

宋史列傳

秋七月世傑與劉師勇孫虎臣等大山舟師

萬餘艘次于焦山合十舟爲方碇江中流非有號令無得發碇示

以必死阿朮自石公山望之遂遣健卒善射者千人載以艦分兩

翼夾射繼以火矢蓬檣俱焚煙焰蔽江諸軍死戰宋史紀事本末無敢發

碇赴江死者萬餘人宋史世傑不復能軍奔圖山續資治通鑑上疏請

濟師不報宋史德祐二年正月秀王與擇奉皇兄廣王昞皇弟益

王出宮航海世傑欲護駕入海乃去朝元丞相領兵進皋亭山

宋季三朝政要五世傑入定海石國英遣卞彪說之使降世傑以彪來從

已俱南也惟牛亨之酒半彪從容爲言世傑大怒斷其舌磔之巾

子山南宋書景炎元年通鑑輯覽九十三二月廣王益王由海道趨温州宋季

三朝政要六世傑亦以所部兵來溫之江心寺通鑑輯覽四月從二王入福

州案宋季三朝政要作三月甲戌二王至福州微異五月與宜中奉昱爲主拜簽事樞密

院事宋史元兵通行都世傑備海舟於岸奉景炎帝益王楊淑妃

等登舟宋季三朝政要六帝至泉州泊於港招撫使蒲壽庚來謁請駐驛

世傑不可初壽庚提舉市舶擅舶利者三十年或勸世傑留壽庚

不遣則凡海舶不令自隨世傑不從既而舟不足乃掠其舟並沒

其貨壽庚怒

宋史紀事本末

以泉州降

通鑑

世傑乃自將陳弔眼許夫人

諸翼軍攻蒲壽庚不下十月元帥咬都遣人招益王又遣經歷孫

安甫說世傑降世傑拘之軍中不遣招討劉深攻淺灣世傑兵敗

移王居井澳深復來攻井澳世傑戰卻之因徙碭州

宏簡錄

景炎三

年帝殂衛王昺立

南宋書

拜世傑少傅樞密副使封越國公世傑以

碭州不可居

宋史列傳

復徙居新會之崖山

宏簡錄

崖山在海中兩山相

對中有一門可以藏舟

宋季三朝政要六

世傑以爲天險可守乃遣人入

山伐木造行宮三十間軍屋三千間正殿三慈元楊太后居之

續資

治通鑑

明年元張宏範等兵至崖山或謂世傑曰北兵以舟師塞海

口則我不可進退盍先據海口幸而勝國之福也不勝猶可西走

世傑恐久在海上有離心動則必散乃曰頻年航海何時已乎今

須與決勝負悉焚行朝草市

宋史列傳

結大舶千餘作一字陣

案宋季三朝政

要云世傑不守三門集舟千餘作一字陣禦之而大兵入山門作長蛇陣對之

碇海中中艦外軸貫以大

索四周起樓柵如城堞奉帝居其間爲死守計人皆危之

宋史紀事本末

已而宏範兵至據海口

宋史列傳

斷宋軍汲路世傑舟堅不能動宏範

乃舟載茅茨沃以膏脂乘風縱火焚之世傑戰艦皆塗泥縛長木

以拒火舟不熱宏範無知之何時世傑有韓氏甥在軍中

續資治通鑑

宏範三使韓招世傑世傑不從曰吾知降生且富貴但義不可移

爾因歷數古忠臣以谷之

通鑑輯覽

二月宏範等攻崖山

宋史列傳

世傑以

淮兵殊死戰俄有一舟檣旗仆諸舟之檣旗皆仆世傑知事去乃

抽精兵入中軍諸軍皆潰宏範麾軍進薄中軍會日暮風雨昏霧

四塞咫尺不相辨世傑乃與蘇劉義斷維以十六舟奪港而去

通鑑

覽後還收兵崖山劉自立擊敗之降其將方遇龍葉秀榮張文秀



等四十餘人世傑復欲奉楊太后求趙氏後而立之

宋史列傳

乃舟艤

南恩之海陵山散漬稍集

宋史紀事本末

颶風復大作將士勸世傑登岸

世傑曰無以爲也登柁樓露香祝曰我爲趙氏亦已至矣一君亡

復立一君今又亡我未死者庶幾敵兵退別立趙氏以存祀耳今

若此豈天意耶風濤愈甚世傑墮水溺死

續資治通鑑

案考異云元史以張世傑爲死

於海陵山下與經世大典同宋史忠義張世傑傳作平章山下與元史異癸辛雜志云張世傑之戰海上也嘗與祥興之主約曰萬一事不可爲則老臣必死於戰有沈香一株重千餘兩是時當焚此香爲驗或香煙及御舟可即遣援兵或不然宜速爲之所無墮其計中也及崖山之敗張儼然立船首焚香拜天曰臣死罪無以報國不能胡運惟主惟天鑒之尙有將佐三十餘未立其後如此者一晝夜從者亦筆立不少動旣而北軍擁至篙師亦皆乘小舟逃去風起浪湧舟遂沈溺者甚衆是以世傑與宋主爲同時溺死疑係傳聞之誤也據楊太后墓在崖山則世傑復至崖山當得其實又據宋季三朝政要張世傑奉楊太后以小舟奔則世傑復至崖山必奉太后以來可知今從宋史著崖山之再敗而其遇風覆溺在海陵山下則從宋史紀事本末諸書云

華陽吳祖椿校